

竹
书
纪
年

竹書紀年統箋卷之十

梁 武康沈 約休文附注

清 當塗徐文靖位山統箋

馬 陽葵齋

同里 崔萬烜郁岑 校訂

平王

名宜曰。箋按周本紀大戎殺幽王於是乃即申侯而共立太子宜曰是為平。

自東遷以後始紀晉事王即位皆不言箋按此休文附注

元年辛未王東徙洛邑

箋按記正義曰雒邑即王城也平王以前號東都又按地道

記王城去雒城四十里地理志河南郡有雒陽縣成周也有河南縣郊鄔王城也卜澗水東灋水西平王

居之王城是也又卜灑水東是為成周故雒城是也
郡國志河南周公所城雒邑也春秋謂之王城東城
門名鼎門北城門名乾祭注引博物記曰王城方七
百二十丈郭方七十里南望洛水北至邾山當平王
東遷之初尚未有王城之名故竹書謂東徙洛邑也

錫文侯命

箋按書敘曰平王錫晉文侯和邑圭瓚作文侯之命王若曰父義和不顯文武天子稱同

姓伯父叔父晉於周同姓故以父稱之義和文侯字
左傳晉穆侯之夫人姜氏以條之役生太子命之曰
仇仇即文侯名也蓋文侯名仇字義和天子之於諸
侯稱其名正也今稱其字蓋尊之而不名也馬融王
肅徒見義和非晉侯名遂謂父能以義和諸侯此鑿說也

晉侯會衛侯鄭伯秦伯以師從王入于成周

箋按史記備世家犬

戎殺幽王武公將兵往佐周平戎甚有功周平王命
武公為公鄭世家犬戎殺幽王并殺桓公鄭人共立

其子掘突是為武公秦本紀襄公以兵送周平王平王封襄公為諸侯是當日晉侯所會從王入于成周也者

二年秦作西時

箋按秦本紀祠上帝西時索隱曰襄公始列為諸侯自以居西時故作西時祠

白帝時止也言神靈之所依止也

魯孝公薨

箋按魯世家孝公懿公弟立二十七年卒子弗涅立是為惠公世本作弗皇

賜秦晉以邠岐之田

箋按秦本紀襄公以兵送周平王平王賜之岐以西之地曰戎無道

侵奪我岐豐之地秦能攻逐戎即有共地與誓封爵之襄公於是始國與諸侯通使林氏曰岐在郃西北

無百里幽又在岐西北四百餘里

三年齊人滅祝

箋按周本紀武王封黃帝之後於祝服虔曰東海郡祝其縣也至是齊人滅之

王錫司徒鄭伯命

箋按幽王八年錫桓公命為司徒後死于犬戎之難至平王復命其子掘

突為司徒是為武公

四年燕傾侯卒

箋按燕世家作頃頃侯二十年幽王為犬戎所弑二十四年頃侯卒

鄭人滅虢

箋按左傳僖五年宮之奇曰虢仲虢叔王季之穆也賈逵曰虢仲封東虢制是也虢叔封

西虢虢公是也孔仲達曰據傳鄭滅一虢晉滅一虢不知誰是仲後誰是叔後按漢志東虢在滎陽傳曰制巖邑也虢叔死焉是鄭所滅者虢仲之後別有虢君字叔者也

五年秦襄公帥師伐戎卒于師

箋按詩序曰小戎美襄公也秦本紀襄公十二

年伐戎而至岐卒

宋戴公薨

箋按宋世家戴公二十九年周幽王為犬戎所殺三十四年戴公卒子武公司空立

六年燕哀侯卒

箋按燕世家頃侯二十年周幽王為犬戎所殺三十四年頃侯卒子哀侯立哀

侯二年卒

鄭遷于溱洧

箋按詩鄭風譜曰幽王為犬戎所殺桓公死之其子武公與晉文侯定平王于東都

王城卒取史伯所云十邑之地左洛右濟前華後河食溱洧焉鄭詩曰溱與洧方渙渙兮說文溱作澮水經注澮水出鄆城西北鷄絡塢下入洧洧水出河南密縣西南馬嶺山又東過鄭縣南澮水從西北來注之澮水即溱水也通典鄭州新鄭有溱洧二水

七年楚子儀卒

箋按楚世家熊罟卒子熊儀立是為若敖若敖二十年幽王為犬戎所弑周東

徙二十七
年若敖卒

八年鄭殺其大夫關其思

箋按韓非子曰昔者鄭武公欲伐胡先以其女妻胡君因

問于羣臣吾欲用兵誰可伐者大夫關其思對曰胡可伐武公怒而戮之曰胡兄弟之國也子言伐之何也胡君聞之以鄭爲親已遂不備鄭鄭人襲胡取之世本胡歸姓括地志胡城在豫州鄆城縣界

十年秦還于汧渭

箋按還當作遷秦本紀文公三年以兵七百人東獵四年至汧渭之會曰

昔周邑我先秦嬴于此後即獲爲諸侯乃卜居之占曰吉即營邑之水經注渭水出首陽縣渭谷亭南谷東逕郁夷逕平陽故城南汧水入焉汧水出汧縣之蒲谷鄉弦中谷是汧渭之會也世紀文公徙汧括地志故汧城在隴州汧源縣西三里

十三年魏武公薨

箋按魏當作衛史記衛世家武公四十二年犬戎弑幽王五十五年卒又

按楚語曰武公年九十五作懿以自警韋昭曰懿大雅抑之篇也毛序曰抑衛武公刺厲王亦以自警蓋王朝有雅列國有風惟刺王所以列之于雅若僅爲飲酒悔過之詩則當同淇澳列之於風烏在列之於

雅哉考年表衛武公以宣王十六年卽位其齒當四十餘厲王無道已熟悉之又歷五十餘年則幽平時也武公有感于時事不敢顯言王失追刺厲王以寓其意其在於今與迷亂于政顛覆厥德荒湛于酒非必睿聖武公身有是事當時必有所指可知天方艱難曰喪厥國取譬不遠昊天不忒豈非以厲王奔彘而欲後人之鑒之故以爲刺王而列之于雅也紀年衛武公薨平王十三年與史記衛世家合

十四年晉人滅韓

箋按史記索隱曰左傳邗晉應韓武之穆也則韓是武王子詩稱韓侯出

祖則是有韓而先滅也今据竹書成王十三年王師燕師城韓王錫韓侯命是時韓在北方與燕近宣王四年王命蹶父如韓韓侯來朝則又改封于韓原詩序曰韓奕尹吉甫美宣王也能錫命諸侯鄭箋韓姬姓之國也後爲晉所滅故大夫韓氏以爲邑名焉孔疏曰晉之滅韓未知何君之世蓋晉文侯輔平王爲方伯之時滅之也晉世家文侯二十四年滅韓韓世家韓之先與周同姓其後苗裔事晉得封于韓原蓋

考之不詳耳

十八年秦文公大敗戎師于岐來歸岐東之田

箋按秦本紀文

公十六年以兵伐戎敗走於是文公遂收周餘民有之地至岐岐以東獻之周按稽古錄以秦文公大敗

戎師在平王

二十一年誤

二十一年晉文侯殺王子余臣于攜

箋按事在晉文侯三十一年史記晉

世家周作晉文侯命王若曰父義和丕顯文武能慎明德索隱曰尚書文侯之命是平王命晉文侯仇之語今此乃是襄王命文公重耳之事代數懸隔勳策全乖又按攜王號公翰所立翰蓋號石父子也

二十三年宋武公卒

箋按宋世家武公女為魯惠公夫人魯桓公十八年武公卒

二十四年秦作陳寶祠

箋按秦本紀文公十九年得陳寶漢郊祀志云文公獲若石云

于陳倉北阪城祠之其神來若雄雉其聲殷殷然野
鷄夜鳴以一牢祠之號曰陳寶韋昭曰在陳倉縣寶
而祠之故曰陳寶括地志寶鷄神在
岐州陳倉縣東二十里故陳倉城中

二十五年晉文侯薨

箋按晉世家文侯六年犬戎殺幽王三十五年文侯仇卒

秦初用族刑

箋按秦本紀靈公生子三人長男武公為太子武公弟德公同母魯姬子生出子靈

公卒大庶長弗忌威壘三父廢太子而立出子為君
平子六年三父等復其令人賊殺出子復立故太子

武公武公三年誅三父等
而夷三族以其殺出子也

二十六年

丙申晉昭公元年

晉封其弟成師于曲沃

箋按襄公二十三年

公羊傳曲沃者何晉之邑也晉世家文侯卒子昭侯
伯立昭侯元年封文侯弟成師于曲沃詩序揚之水
刺晉昭公也昭公分國以封沃沃盛強昭公微弱國
人將叛而歸沃焉郡國志河東聞喜邑本曲沃劉昭

曰曲沃在縣東北與晉相去六七百里
据左傳在春秋前魯惠公二十四年

三十二年晉潘父弑其君昭侯納成師不克立昭侯之

子孝侯箋按左傳在魯惠公三十年

晉人殺潘父箋按晉世家成師封曲沃號為桓叔靖侯庶孫欒賓相桓叔桓叔是時年五十八矣

好德晉國之眾皆附焉七年晉大臣潘父弑其君昭侯而迎曲沃桓叔桓叔欲入晉晉人發兵攻桓叔桓叔敗還歸曲沃晉人共立昭侯

子平為君是為孝侯誅潘父

三十三年癸卯晉孝楚人侵申箋按杜預曰申今南陽宛縣是也

三十六年衛莊公卒箋按衛世家武公卒子莊公揚立二十三年莊公卒太子完立是為

桓公

王人戍申

箋按詩序揚之水刺平王也不撫其民而遠屯戍于母家周人怨思焉鄭箋曰平王母家

申國在陳鄭之南迫近强楚王室微弱而數見侵伐王是以戍之

四十年齊莊公卒

箋按齊世家成公卒子莊公購立二十四年周東徙雒六十四年莊公卒

晉曲沃桓叔成師卒子鱣立是為莊伯

白是晉侯在翼稱翼侯。箋按

晉世家孝侯八年曲沃桓叔卒子鱣代桓叔是為曲沃莊伯稽古錄平王四十一年曲沃莊伯鮮元誤据

竹書鮮當作鱣少一年

四十一年

辛亥莊伯元年

春大雨雪

箋按爾雅曰雪與雨雜下日霰春秋考異郵曰庚申

大雪雪深七尺并者丈四尺謝惠連雪賦盈尺則呈瑞于豐年表丈則表沴于陰德京房易傳曰凡雪者

陰氣勝也

四十二年狄人伐翼至于晉郊

箋按索隱曰翼本晉都自孝侯已下一號翼侯

平陽絳邑縣東翼城是也

宋襄公薨

箋按襄誤當作宣周平王二十三年宋武公卒宋世家武公卒子宣公力立宣公有太子

與夷十九年宣公病讓其弟和和亦三讓而受之宣公卒弟和立是為穆公

魯惠公使宰讓請郊廟之禮王使史角如魯諭止之

按箋

呂氏春秋曰魯惠公使宰讓請郊廟之禮于天子桓王使史角往惠公止之其後在于魯墨子學焉据本紀平王四十九年魯隱公即位五十一年平王崩太子洩父早死立其子林是為桓王桓王平王孫也魯惠公請郊廟之禮在平王四十二年下距桓王即位十一年呂氏說謬

四十七年晉曲沃莊伯入翼弑孝侯晉人逐之立孝侯

子郤箋按郤世本作郤他本亦作都是為鄂侯箋按左傳隱五年春曲沃莊伯以鄭人邢人伐

翼王使尹氏武氏助之翼侯奔隨六年春翼九宗五

正頃父之子嘉父逆晉侯于隨納諸鄂晉人謂之鄂

侯春秋地名攷略曰今介休縣東有隨城世本唐叔

虞居鄂宋衷曰鄂地今在大夏括地志故鄂城在慈

州昌寧縣東二里時晉人迎翼侯于隨納諸鄂

後乃復入于翼也左傳謂在魯惠公四十五年

四十八年戊午晉鄂侯元年

無雲而雷箋按開元占經曰天書云無雲而雷是謂天狗所當之國必有甲兵洪範五行傳秦二世

元年無雲而雷雷陽雲陰也有雲然後有雷有

臣然後有君也無雲而雷示君獨處無人民也

魯惠公卒箋按魯世家孝公卒子惠公立四十六年惠公卒庶長子息攝當國行君事是為隱公

四十九年己未魯隱公元年春秋始此

魯隱公及邾莊公盟于姑蔑

箋按春秋隱公元年三月公及邾儀父盟于蔑杜預

曰邾今魯國鄒縣也蔑姑蔑魯國卞縣南有姑城括地志姑蔑故城在兗州泗水縣東四十五里又按蔑

公穀二傳作昧

五十一年春二月乙巳日有食之

箋按隱三年歲在辛酉二月乙巳朔日有

食之此不書朔失攷也春秋日食三十六其不書朔

者八左氏傳曰其不書朔官失之也公羊傳曰不言

朔者二日也穀梁傳曰不言朔者食晦也隋律歷志

曰今以甲子元歷推算俱是朔日隱公三年二月乙

巳日有食之推合乙巳朔莊公十八年春三月日有

食之推合王子朔僖公十二年三月庚午日有食之

推合庚午朔十五年夏五月日有食之推合癸未朔

元郭守敬授時歷又推合宣十年四月丙辰朔襄十

五年八月丁巳朔文元年三月癸亥朔皆闕朔字左

傳以爲官失之是也穀梁誤以爲食晦如果爲食晦

僖十六年己卯晦成十六年甲午晦皆書此何以不書明是日食在朔而官失之耳公羊以為春秋不書

晦尤
謬

三月庚戌王陟

箋按是年辛酉春秋魯隱公三年春三月庚戌天王崩傳曰王戌天王崩赴以

庚戌故書之杜氏曰周平王也實以王戌崩欲諸侯之速至故遠日以赴春秋不書實崩日而書遠日者

即傳其偽以懲臣子之過也

桓王

名林○箋按周本紀平王崩太子洩父早死立其子林是為桓王

元年壬戌

十月莊伯以曲沃叛伐翼

箋按左傳隱五年夏六月曲沃叛王蓋先時曲沃伐翼王

使尹氏武氏助翼侯至是而曲沃叛王不遵王命復伐翼也杜氏曰曲沃晉別封成師之邑莊伯成師子

也翼晉
舊都

公子萬救翼荀叔軫追之至于家谷

箋按水經注澮水出澮山西逕翼城

南又西逕榮庭城南與乾河合即教水之枝川也西北至澮交入澮又有女家水出于家谷竹書莊伯以

曲沃叛伐翼公子萬救翼荀叔軫追之至于家谷

翼侯焚曲沃之禾而還

箋按水經注澮水西南合黑水流逕翼城北右引北川水亂流

西南入澮澮水又西南與諸水合謂之澮交竹書莊伯十二年翼侯焚曲沃之禾而還

翼侯伐曲沃大捷武公請成于翼至相而還

附注相一作桐○箋

按水經注澮水又西逕仲郵鄉北又西逕桐鄉城北竹書翼侯伐曲沃大捷武公請成于翼至洞庭乃返者也朱謀璋曰洞一讀作桐又曰庭當作渦洞渦水出沾縣北山又西到晉陽縣南西入于汾武公莊伯

子鱣也請成求成也

二年王使虢公伐晉之曲沃

箋按左傳隱五年秋王命虢公伐曲沃而立哀侯于

翼杜注春翼侯奔隨故立其子光又六年傳鄂侯注前年桓王立此侯之子於翼故不得復人翼別居鄂不知翼人迎晉侯于隨而納諸鄂事在春秋前二年故經不書杜謂晉不告亂故不書誤也又晉侯始納諸鄂因謂之鄂侯杜謂不得復入翼故別居鄂亦誤以史記世家合之竹書鄂侯卒而始立其子哀侯于翼非鄂侯不得復入翼也

晉鄂侯卒曲沃莊伯復攻晉晉立鄂侯子光是為哀侯

箋按晉世家鄂侯二年魯隱公初立鄂侯六年卒曲沃莊伯聞晉鄂侯卒乃興兵伐晉周平王使虢公將兵伐曲沃莊伯莊伯走保曲沃晉人共立鄂侯子光是為哀侯

三年甲子

晉哀侯光元年

四年曲沃莊伯卒子稱立是為武公

箋按林氏曰魯隱公七年晉哀侯二

年曲沃莊伯卒子稱代立是為武公今據傳是魯桓公三年云隱公誤

尙一軍

箋按周禮大司馬序云凡制軍萬有二千五百人為軍王六軍大國三軍次國二軍小國一軍

五年

曲沃武公元年。箋按竹書桓王五年號公忌父始作卿士于周

芮人乘京荀人董伯皆叛曲沃

箋按地理志馮翊臨晉有芮鄉故芮國詹桓伯

云駘芮吾西土是也此芮人乘京之芮漢河北縣地後周改芮城唐志陝州芮城縣是也臣瓚曰今河東有荀城古荀國左傳文公六年晉人改蒐于董杜注河東汾陰有董亭是也

十一年

晉小子侯元年

曲沃獲晉哀侯

箋按桓三年春曲沃武公伐翼次于陘庭韓萬御戎梁弘為右逐翼侯于汾隰

驂絰而止夜獲之及欒共叔

晉人立哀侯子為小子侯

箋按晉世家哀侯八年晉侵陘延陘延與曲沃武公謀九

年伐晉于汾旁虜哀侯晉人乃立哀侯子小子為君是為小子侯小子元年曲沃武公使韓萬殺所虜晉

哀侯賈逵曰韓萬曲沃桓叔之子莊伯弟

芮伯萬出奔魏

箋按桓三年傳芮伯萬之母惡芮伯之多寵人也故逐之出居于魏

十二年王師秦師圍魏

箋按詩魏國疏曰魏世家絕不知所封為誰故言周以封同姓

子魯詩世學曰畢公高文王庶子初封畢伯成王進為魏侯十餘世晉獻侯詭諸滅之畢萬降于晉為大夫得食邑于魏九傳生魏斯斯請周威王命為魏文侯而與趙籍韓虔廢晉靖公為家人文侯孫則梁惠

王瑩也又六傳至
魏王假為秦所滅

取芮伯萬而東之

箋按寰宇記陝州芮城縣北五里有魏城左傳桓四年秋秦師侵芮敗焉

冬王師秦師圍魏執芮伯以歸杜氏曰三年芮伯出居魏芮更立君秦為芮所敗故以芮伯歸將欲納之

左傳桓十年秦人納芮伯萬于芮

十三年冬曲沃伯誘晉小子侯殺之

箋按桓七年傳冬曲沃伯誘晉小子

侯殺之林氏曰以計誘而殺之非用兵也晉世家小子之四年曲沃武公誘召晉小子殺之是也

晉曲沃滅荀以其地賜大夫原氏黯是為荀叔

箋按地理志扶

風桐邑應劭曰荀侯賈伯伐晉是也臣瓚曰汲郡古文晉武公滅荀以賜大夫原氏黯是為荀叔又云文公城荀然則荀當在晉之境內不得在扶風也今河東有荀城古荀國師古曰瓚說是也

戎人逆芮伯萬于郊

箋按郊當作邾水經注戎人逆芮伯萬于邾斯城亦或伯萬之故置

也然則郊蓋為邾之譌矣

十四年王命虢仲伐曲沃立晉哀侯弟緡于翼為晉侯

箋按春秋桓八年冬王命虢仲立晉哀侯弟緡于晉杜氏曰虢仲王卿士虢公林父

十五年

晉侯緡元年

十六年春滅翼

箋按左傳桓八年春滅翼杜注曰曲沃滅之又水經注曰詩譜言晉穆侯遷都

于絳孝侯改絳曰翼郡國志河東絳邑縣有翼城劉昭注城在縣東八十里至是為武公所滅

十九年鄭莊公卒

箋按鄭世家武公卒寤生立是為莊公莊公二十七年始朝周桓王桓王

怒其取禾弗禮也三十七年莊公不朝周周桓王率陳蔡虢衛伐鄭王師大敗祝瞻射中王臂四十三年鄭

莊公卒

二十三年三月乙未王陟

箋按是年甲申春秋桓公十五年三月乙未天王崩林堯

叟曰桓王至莊三年葬一統志桓王陵在澠池縣北九十七里桓王山上

莊王名佗。箋按周本紀桓王崩子莊王佗立稽古錄作莊王仲字之訛也。

元年乙酉

曲沃尙一軍異于晉

箋按周禮大司馬職凡制軍萬有二千五百人為軍王六軍大國三

軍次國二軍小國一軍晉土地雖大時曲沃初并晉國故尙一軍以別于晉也

六年五月葬桓王

箋按桓王之崩七年矣至是始葬林注謂桓王至莊三年葬者莊王之六

年魯莊公之三年也

十五年王陟

釐王 名胡齊。箋按周本紀。莊王崩子釐王胡齊立。

元年庚子

春齊桓公會諸侯于北杏以平宋亂

箋按莊王十二年齊桓公小白元年

至是立五年矣春秋莊公十有三年春齊侯宋人陳人蔡人邾人會于北杏傳曰會于北杏以平宋亂林氏曰北杏齊地衣裳之會一序齊于諸侯之上而獨書爵始伯之辭也自是無特相會者矣王風之什絕筆于莊王而僖王之立齊桓之伯皆在是年此王伯興衰之機也又左傳疏曰平宋亂者宋萬已誅宋新立君其位未定齊桓欲修霸業為會以安定之地名考略曰北杏在東阿縣境

三年曲沃武公滅晉侯緡以寶獻王

箋按晉世家曲沃武公伐晉侯緡滅

之盡以其寶器
賂獻于周僖王

王命武公以一軍為晉侯

箋按左傳莊公十六年冬王使虢公命曲沃莊伯以一軍

為晉侯林堯叟曰周制大國三軍次國二軍小國一

軍晉本大國自曲沃武公覆滅宗國僖王命以一軍

為晉遂從小國之制又按魯閔公元年晉始作二軍

僖二十七年晉作三軍三十一年晉作五軍成三年

晉作六軍

遂僭王矣

四年 晉武公三

晉猶不與齊桓公之盟

附注晉侯緡是年滅○箋按春

秋魯莊公十有五年書齊侯宋公陳侯衛侯鄭伯會

于鄆十有六年冬十有二月書齊侯宋公陳侯衛侯

鄭伯許男滑伯滕子同盟于幽魯莊公十五年十六

年正僖王三年四年盟皆無晉于是時猶不與

齊桓公

之盟也

五年晉武公卒

箋按晉世家武公卒子獻公詭諸立

王陟

箋按春秋魯桓十五年書桓王崩杜預曰自此以來周有莊王又有僖王崩葬皆不見經傳今據竹

書莊王十五年陟僖王五年陟史記周本紀亦言釐王胡齊立五年崩杜云不見經傳非

惠王

名闔。箋按周本紀釐王崩子惠王闔立世本名母涼韋昭注國語曰惠莊王之孫僖王之子惠王

母涼也為子頊所篡出居于鄭鄭厲公納之

元年

乙巳晉獻公元年

晉獻公朝王如成周

箋按國策注洛陽周公所營下都遷殷頑民是為成周然成周實

東都之總名非專指雒邑也呂氏曰豐鎬宗廟之所在故曰宗周東都王道之所成故曰成周

周陽白兔舞于市

箋按水經注涑水出河東聞喜縣東山黍葭谷又西過周陽邑南其城南

臨涑水北倚山原竹書晉獻公二十五年翟人伐晉
周陽白兔舞于市卽是邑也今据竹書周陽白兔舞
于市事在晉獻公元年晉世家獻公二十五年晉伐
翟翟亦擊晉于鬻桑左傳作采桑杜氏曰平陽北屈
縣西南有采桑津水經注以周陽兔舞在
是時据竹書則晉獻公如成周時所見也

二年王子頹亂王居于鄭

箋按莊公十九年左傳初王姚嬖于莊王生子頹子頹有

寵薦國爲之師及惠王卽位取薦國之圃以爲園邊
伯之宮近於王宮王取之王奪子禽祝跪與詹父田
而收膳父之秩秋五大夫奉子頹以伐王不克出奔
温蘇子奉子頹以奔衛衛師燕師伐周冬立子頹二
十年春鄭伯和王室不克夏鄭伯遂以王歸王處于
櫟秋王及鄭伯入于鄆遂入成周取其寶器而還冬
王子頹享五大夫樂及徧舞鄭伯聞之見虢叔曰盍
納王乎二十一年夏同伐王城鄭伯將王自圍門入
虢叔自北門入殺王子
頹及五大夫王乃入

鄭人入王府多取玉玉化為蜮射人

箋按鄭人温人也周本紀邊伯等五

人作亂伐惠王惠王奔温已居鄭之櫟左傳温蘇忿生邑桓王奪以子鄭者是時温已屬鄭雖居温而直

可言鄭也又王府當作玉府周禮天官之屬有玉府掌王之金玉玩好凡良貨賄之藏是也鄭人入玉府

玉化為蜮射人春秋莊公十八年有蜮注云蜮短狐也蓋似含沙射人為災也五行傳曰詩云為鬼為蜮

則不可得蓋氣精也然則玉化為蜮射人者亦氣精之類也

九年晉城絳

箋按左傳莊二十六年夏晉士蔿城絳以深其宮杜曰絳晉所都也今平陽絳邑縣

水經注曰按詩譜言晉穆侯遷都于絳孝侯改絳曰翼獻公又北廣其城方二里命之為絳是也晉世家

謂獻公八年城聚都之命曰絳晉始都絳未足据也

十六年晉獻公作二軍滅耿以賜大夫趙夙滅魏以賜

大夫畢萬

晉滅于大夫韓趙魏萌于此。○箋按閔公元年晉作二軍公將上軍太子申生將下軍趙

夙御戎畢萬為右以滅耿滅霍滅魏還為太子城曲

沃賜趙夙耿賜畢萬魏以為大夫地志河東北縣

詩魏國左傳晉賜畢萬魏卜偃曰魏大名也其地于

今為河中永樂非元城之魏也漢以大名名此失矣

又地志皮氏縣有耿鄉故耿國都城記曰耿嬴姓國

也地理通釋耿在河中府龍門縣東南括地志晉州

霍邑縣霍太山在東韋昭曰周文王子霍叔武之國也

十七年衛懿公及赤翟戰于洞澤

附注曰洞當作洞。○箋按春秋閔二年狄

人伐衛衛懿公好鶴鶴有乘軒者將戰國人受甲者

皆曰使鶴鶴實有祿位余焉能戰公及狄人戰于熒

澤衛師敗績遂滅衛杜注曰此熒澤當在河北竹書

洞澤即熒澤也又按宣十三年傳赤翟伐晉及清十

五年晉師滅赤翟潞氏十六年晉士會帥師滅赤狄

甲氏及留吁鐸辰成公三年晉卻克衛孫良夫伐齊

谷如討赤翟之餘是赤翟種類甚多其伐衛戰洄澤者未審誰也周語史伯曰當成周者北有衛燕翟鮮虞路洛泉徐蒲韋昭注云徐赤翟隗姓蒲赤翟隗姓則赤翟與衛近者乃徐蒲也後漢郡國志樂安臨濟本狄國劉昭注引地道記云狄伐衛懿公其說謬矣

十九年晉獻公會虞師伐虢滅下陽

箋按左傳僖二年

之乘垂棘之璧假道于虞以伐虢虞公許之且請先伐虢宮之奇諫不聽遂起師夏晉里克荀息帥師會虞師伐虢滅下陽杜氏曰下陽虢邑在河東大陽縣

虢公醜奔衛

箋按僖五年晉侯復假道于虞以伐虢宮

陽問於卜偃曰吾其濟乎對曰克之公曰何時對曰童謠云丙之晨龍尾伏辰衿服振振取虢之旂鶉之賁賁天策焯焯火中成軍其九月十月之交乎丙子旦日在尾月在策必是時也冬十二月丙子朔晉滅

虢公醜奔京師唐歷志日度議曰丙子旦日在尾
月合尾十四度於黃道日在古歷尾而月在策故曰
龍尾伏辰於古距張中而曙直鷄火之末始將西降
故曰賁賁又紀年虢公奔衛左氏傳云奔京師史記
晉世家晉獻公二十二年冬滅虢虢公醜奔周皇覽
曰虢公冢在河內溫縣郭東濟水南其城南有虢公
臺河內本衛地後乃屬周曰衛曰周曰京師一也

公命瑕父呂甥邑于國都

箋按國誤當作虢左傳僖十
五年晉侯使卻乞告瑕呂飴

甥且召之杜注瑕呂飴甥即呂甥也蓋姓瑕呂名飴

甥字子金晉侯聞秦將許之平故告呂甥召使迎已

据竹書瑕父呂甥甥先食采于瑕故曰瑕父不得以

瑕呂為姓明矣文十三年晉使詹嘉處瑕杜氏曰賜

其瑕邑亦猶是矣時獻公滅虢虢公奔衛命瑕父呂

甥邑于虢都以鎮撫之僖五年傳注上陽虢國都在

弘農陝

縣東南

二十五年春狄人伐晉
箋按晉世家獻公二十五年晉伐翟翟以重耳故亦擊晉于齧

王陟
箋按僖公七年秋七月盟于甯母閏月惠王崩林氏曰惠王實以前年閏月崩以今年十二月丁未

告傳曰王人來告喪難故也是以緩杜氏曰有叔帶之難

襄王
名鄭の箋按周本紀惠王崩子襄王鄭立

元年庚午
箋按周語曰惠后之難王出在鄭韋昭曰惠后周惠王之后襄王繼母陳媯也陳媯有寵

生子帶將立未及而卒子帶奔齊王復之又通于襄

王之后隗氏王廢隗氏周大夫頽叔桃子奉帶以翟師伐周王出適鄭處于汜在魯僖二十四年史記鄭

世家鄭文公三十七年襄王出奔鄭鄭文公居王于

汜三十八年晉文

公入襄王成周

晉獻公卒

箋按春秋僖公九年九月戊辰諸侯盟于葵
丘甲子晉侯偃諸卒杜氏曰未同盟而赴以

名甲子九月十一日戊辰十五日也書在盟後從赴
接甲子不當在戊辰後穀梁傳亦作甲子惟公羊傳

作甲戌是在戊辰
後六日今當從之

立奚齊里克殺之及卓子

箋按莊子長梧子曰驪之姬
艾封人之子也晉國之始得

之也涕泣沾襟及其至于王所與王同筐床食芻豢
而後悔其泣也左傳閔四年初晉獻公欲以驪姬為

夫夫人立之生奚齊其娣生卓子及將立奚齊既與中
大夫成謀姬謂太子曰君夢齊姜必速祭之太子祭

于曲沃歸胙于公毒而獻之姬泣曰賊由太子太子
奔新城十二月戊申縊于新城又僖九年傳九月晉

獻公卒初獻公使荀息傅奚齊公疾召之日以是藐
諸孤辱在大夫其若之何稽首而對曰臣竭其股肱

之力其濟君之靈也不濟則以死繼之冬十月里克
殺奚齊于女荀息將死之人曰不如立卓子而輔之

荀息立公子卓以葬十二月里克殺公子卓于朝荀
息死之林堯叟曰卓子驪姬之娣所生子也又按卓

子史記
作悼子

立夷吾

箋按晉世家申生自殺于新城此時重耳夷吾
來朝驪姬因譖二公子申生之藥胙二公子知

之重耳走蒲夷吾走屈二十二年獻公乃使兵伐蒲
重耳踰垣遂奔翟使人伐屈屈潰夷吾遂奔梁二十九
年獻公卒里克殺奚齊悼子列女傳曰鞭殺驪姬于
市

二年

辛未晉惠公元年○箋按晉世家里克等已殺奚
齊悼子使人迎重耳于翟重耳謝曰大夫其更立

他子里克迎夷吾于梁夷吾欲往乃使卻芮厚賂秦
約曰即得入請以河西之地予之秦穆公乃發兵送

夷吾于晉
是為惠公

晉殺里克箋按春秋僖十年夏晉殺其大夫里克公羊傳曰里克弑二君則曷為不以討賊之辭言

之惠公之大夫也然則孰立惠公里克也里克立惠公則惠公曷為殺之惠公曰爾既殺夫二孺子矣又

將圖寡人為爾君者不亦病乎于是殺之

三年雨金于晉箋按天鏡曰天雨金國有兵喪稽古錄曰莊王三年夏戎伐京師王子帶召之

也是亦有兵之應也

七年秦伯涉河伐晉箋按僖十五年傳晉侯之入也賂秦伯以河內列城五東盡虢略南

及華山內及解梁城既而不與故秦伯伐晉卜徒父筮之吉涉河侯車敗詰之對曰乃大吉也敗必獲

晉君其卦遇蠱曰干乘三去三去之餘獲其雄狐夫狐蠱必其君也三敗及韓晉侯謂慶鄭曰寇深矣若

之何對曰君實深之可若何九月晉侯逆秦師使韓簡視師壬戌戰于韓原晉戎馬還濫而止秦獲晉侯

以歸秦許晉平十月改館晉侯十一月
晉侯歸于是秦始征晉河東置官司焉

十五年晉惠公卒子懷公圉立

箋按晉世家惠公八年使太子圉質秦十三年

惠公病子圉遂亾歸晉十四年九月惠公卒
太子圉立是為懷公時魯僖公二十三年也

秦穆公帥師送公子重耳圉令狐桑泉曰襄皆降秦師

箋按左傳僖二十四年春王正月秦伯納之濟河圍令狐入桑泉取曰襄闕駟曰令狐今猗氏也杜預曰

桑泉在解縣西郡國志河東解縣有曰城

狐尾與先軫禦秦至于廬柳

箋按狐尾當作狐毛禦秦當作禦晉左傳僖二十三

年懷公命無從亾人期期而不至無赦狐突之子毛及偃從重耳在秦弗召冬懷公執狐突乃殺之僖二十四年甲午晉師軍于廬柳杜氏曰懷公遣軍拒重耳蓋是時狐毛先軫皆從重耳在秦至是聞晉師在

廬柳故使禦之也春秋地名攷略曰今解縣西北有廬柳城

乃謂秦穆公使公子繫來與師言次于郇盟于軍

箋按僖二

十四年傳秦伯使公子繫如晉師師退軍于郇辛丑狐偃及秦晉之大夫盟于郇林堯叟曰晉師從秦命納文公故退師預注解縣西北有郇城

公子重耳涉白河曲

箋按郡國志河東有蒲坂沙丘亭韋昭曰即河曲左傳僖二十四年

二月壬寅公子入于晉師丙午入于曲沃丁未朝于武宮賈逵曰文公之祖武公廟也

十六年

乙酉晉文公元年

晉殺子圉

箋按晉世家重耳即位為晉君羣臣皆往懷公圉奔

高粱戊申使人殺懷公杜氏曰高粱在平陽楊縣西南時魯僖公二十四年也

十七年晉城荀

箋按桓王五年荀人叛曲沃十三年晉曲沃滅荀至是城之地理志注臣瓚曰

文公城荀
即謂此也

二十年周襄王會諸侯于河陽

箋按春秋僖二十八年冬天王狩于河陽壬申

公朝于王所杜注河陽晉地今河內有河陽縣晉實
召王爲其辭逆而意順故經以王狩爲辭王申十月
十日又按晉世家晉文公五年四月宋公齊將秦將
與晉侯次城濮己巳與楚兵合戰楚兵敗甲午晉師
還至衡雍作王宮于踐土五月丁未獻楚俘于周天
子使王子虎命晉侯爲伯癸亥王子虎盟諸侯于王
庭壬午晉渡河北歸國行賞冬晉侯會諸侯于溫欲
率之朝周力未能恐其有畔者乃使人言周襄王狩
于河陽壬申遂率諸侯朝王于踐土孔子讀史記至
文公曰諸侯無召王王狩河陽者春秋諱之也郡國
志河南卷縣有垣雍城或曰古衡雍括地志衡雍故
城在鄭州原武縣西北七里郭緣生述征記曰踐土
今治坂城是魏土地記治坂城南臨孟津河一統志
河陽城在孟縣西南三十里春秋天王狩于河陽即

此

竹書紀年卷一

二十二年齊師逐鄭太子齒奔城張南鄭箋按水經注涑水又西南

逕解縣故城南又西南逕瑕城又西南逕張陽城東

竹書齊師逐鄭太子齒奔城張南鄭者也漢書之所

謂東張矣涑水又西南屬于陂陂分為二東陂世謂

之晉興澤西陂即張澤也西北去蒲坂二十五里

二十四年晉文公卒箋按春秋僖三十二年冬十有二

月己卯晉侯重耳卒晉世家文公

卒子襄公歡立据僖二十八年傳楚子曰晉侯在外

十九年矣而果得晉國杜氏曰晉侯生十七年而亡

亡十九年而反凡三十六年至

此四十年矣是卒年四十四也

二十五年甲午晉襄公驩元年○箋按左傳僖三十三

年夏四月辛巳晉敗秦師于殽獲百里孟明

視西乞術白乙丙以歸遂

墨以葬文公晉于是始墨

三十年洛絕于洵

箋按水經注洛水又東過偃師縣南又北陽渠水注之竹書晉襄公六年

洛絕于洵即此處也

三十一年晉襄公卒

箋按晉世家襄公七年八月襄公卒太子夷臯少晉人以難故欲立

長君趙盾使士會于秦迎公子雍賈季亦使人召公子樂于陳太子母繆嬴日夜抱太子以號泣于朝曰先君何罪其嗣亦何罪舍適而外求君將安置此趙盾與諸大夫皆患繆嬴且畏誅乃背所迎而立太子夷臯是為靈公

三十二年

辛丑晉靈公夷臯元年

三十三年王陟

箋按春秋魯文公八年秋八月戊申天王崩冬十月公孫敖如京師不至以幣

奔莒弔喪之禮缺矣至九年春毛伯來求金則魯不赴弔又幾三月

頃王

箋按周本紀襄王崩子頃王王臣立

元年癸卯

六年彗星入北斗

箋按星傳曰北斗九星在紫微西垣外第一曰天樞去極二十一度半入

張宿九度二曰天璇去極三十度入翼宿十三度四曰天權去

三曰天璣去極三十度入翼宿十七度五曰玉衡去極二十八

極二十三度入翼宿十七度五曰玉衡去極二十八

度入軫宿十二度半六曰闔陽去極三十度入角宿

四度少七曰搖光去極三十五度入角宿九度又一

星曰弼在第七星右不見又一星曰輔在第六星左

常見去極三十度入角宿三度宋玉九辨曰天有九

星以正機衡謂此也春秋魯文十四年秋七月有星

孛入于北斗周內史叔服曰不出七年宋齊晉之君

皆將死亂後十六年宋襄夫人使召公田孟諸而弑

之十八年齊閻職及邴歆弑懿公于申池宣公二年

晉趙穿弑靈公于桃園以甲子計之魯文公元年乃

周襄王二十六年也至于文公十四年則襄王崩後
七年事矣韋昭洞記曰頃王六年彗星入北斗晉趙
盾率諸侯平周亂立王子樊是為匡王時竹書未出
而所云若是則紀年信不誣矣但匡王名班韋乃云
樊未知何据又孝經鈎命決曰周襄王不能
事其母孛入北斗不知為頃王六年事矣

竹書統箋卷十

總校王詒壽分校

汪學瀚校
吳承志

竹書紀年統箋卷之十一

梁 武康沈 約休文附注

清 當塗徐文靖位山統箋

馬 陽葵齋

同里 校訂

崔萬烜郁岑

匡王 名班。箋按周本紀頃王六年崩子匡王班立。

元年己酉 箋按春秋魯文公十五年也。

六年晉靈公為趙穿所殺 箋按左傳宣二年秋九月乙丑趙穿攻靈公于桃園宣子

未出山而復太史書曰趙盾弑其君以示于朝宣子曰不然對曰子為正卿亡不越竟反不討賊非子而

誰杜注穿趙盾之從父昆
弟子乙丑九月二十七日

趙盾使穿迎公子黑鬻于周立之

箋按僖公二十三年傳狄人伐齊咎如獲

其二女叔隗季隗納諸公子公子取季隗以叔隗妻

趙衰生盾杜注盾趙宣子又宣公二年傳宣子使趙

穿迎公子黑鬻于周而立之林氏曰黑鬻晉

文公子晉世家云迎襄公弟黑鬻于周也

王陟

箋按春秋宣二年冬十月乙亥天王崩舊本竹書以趙穿弑靈公係王陟之下今依春秋傳冬不當

在秋前也故改正之

定王

名瑜○箋按周本紀匡王六年崩弟瑜立是為定王

元年己卯

晉成公元年○箋按己當作乙

六年晉成公與狄伐秦獲秦謀殺之絳市六日而蘇

箋按

左傳宣八年春白狄及晉平夏會晉伐秦晉人獲秦
謀殺諸絳市六日而蘇晉世家成公六年伐秦虜秦
將赤索隱曰赤卽斥謂斥侯之人宣八年傳晉伐秦
獲秦謀殺諸絳市蓋彼謀卽此赤也晉成公六年與
魯宣八年正
同故知然也

七年晉成公卒于扈

箋按春秋宣九年秋九月晉侯宋公衛侯鄭伯曹伯會于扈辛酉晉

侯黑鬻卒于扈傳曰會于扈討不睦也陳侯不會晉荀林父以諸侯之師伐陳晉侯卒于扈乃還林注扈

鄭地按郡國志卷縣有扈成亭

八年 王戌晉景公元年 ○ 箋按晉世家成公七年卒于景公據立

十八年齊國佐來獻玉磬紀公之獻

箋按左傳成公二年春齊侯伐我北

鄙圍龍衛侯使孫良夫石稷甯相向禽將侵齊與齊師遇齊師乃止次于鞠居新築人仲叔于奚救孫桓

子桓子是以免遂如晉乞師臧宣叔亦如晉乞師皆
主卻獻子晉侯許之七百乘請八百乘師從齊師于
莘六月壬申師至于靡笄之下齊侯使請戰癸酉師
陳于鞌邴夏御齊侯逢丑父爲右晉解張御卻克鄭
丘緩爲右齊師敗績逐之三周華不注晉師從齊師
入自丘輿擊馬陘齊侯使賓媚人賂以紀甗玉磬與
地不可則聽客之所爲賓媚人致賂晉人不可必以
蕭同叔子爲質而使齊之封內盡東其畝對曰蕭同
叔子非他寡君之母也若以匹敵則亦晉君之母也
吾子布大命于諸侯而曰必質其母以爲信其若王
命何且是以不孝令也晉人許之秋七月晉師及齊
國佐盟于袁婁杜注媚人國佐也甗玉甗皆滅紀所
得按廣川書跋有方甗銘言古者謂鼎上下大小若
甗曰鬻亦鬻器類甗古文作膚今仲信父之銘則作
甗紀有甗齊晉以爲重器然其用不過行于饗食今
舉國爲重號於天下則紀侯之甗必其尤異者也

二十一年王陟

箋按是年乙亥春秋成公五年十一月己酉天王崩

簡王 名夷。箋按周本紀定王二十一年崩于簡王夷立。

元年 丙子 箋按是年夏四月丁丑晉遷于新田。

五年 晉景公卒 箋按晉世家景公十二年冬齊頃公如晉欲上尊晉景公為王景公讓不敢晉

始作六卿十九年夏景公病立其太子壽曼為君是為厲公按景公名據春秋作衞厲公壽曼左傳作州蒲

六年 辛巳 晉厲公元年。箋按左傳魯成公十年晉侯有疾立太子州蒲以為君而會諸侯伐鄭十一年

秦晉為成將會于令狐秦伯不肯涉河使史黶盟晉侯于河東晉卻犇盟秦伯于河西秦伯歸而背晉成

十三年夏四月戊午晉侯使呂相絕秦秦桓公既與晉厲公為令狐之盟而又召狄與楚欲道以伐晉五

月丁亥晉師以諸侯之師及秦師戰于麻隧秦師敗績獲秦成差及不更女父師遂濟涇及侯麗而還十

五年晉三郤害伯宗及欒弗忌伯州犂奔楚十六年
夏四月晉侯將伐鄭鄭人聞有晉師使告于楚楚子
救鄭五月晉師濟河六月晉楚遇于鄢陵及戰射共
王中目王曰天敗楚也夫余不可以待乃宵遁十七
年厲公反自鄢陵欲盡去羣大夫而立其左右壬午
胥童夷羊五帥甲八百將攻郤氏長魚矯以戈殺駒
伯苦成叔于其位溫季趨矯及諸其車以戈殺之胥
童以甲劫欒書中行偃于朝矯曰不殺二子憂必及
君公曰一朝而尸三卿余不忍益也皆再拜稽
首曰君討有罪而免臣于死君之惠也乃皆歸

十三年晉厲公卒

箋按左傳成十七年厲公遊于匠麗氏欒書中行偃遂執公焉十八年春

王正月庚午晉欒書中行偃使程滑弑厲公葬之于
翼東門之外以車一乘晉世家厲公死十日公子周

立是為悼公

楚共王會宋平公于湖陽

箋按楚世家莊王卒子共王審立宋世家平公三年楚共

王拔宋之彭城以封宋左師魚石四年諸侯共誅魚石而歸彭城于宋水經注泚水出泚陽東北太湖山又西至新野縣南其水西南流逕湖陽縣故城南竹書楚共王會宋平公於湖陽者矣

十四年 己丑晉悼公元年。箋按悼公名周其大父捷晉襄公少子也號為桓叔子惠伯談生悼公周

周語曰既殺厲公欒武子使如周迎悼公庚午大夫逆于清原乃盟而入辛巳朝于武宮二月乙酉公即

位三年公始合諸侯四年諸侯會于雞丘五年諸戎來請服使魏莊蒞盟之於是乎始復伯

王陟 箋按春秋襄公元年九月辛酉天

靈王 名泄心。箋按周本紀簡王崩子靈王泄心立又靈王生而有頡初定王六年秦人降妖曰周其有

頡王亦能克修其職諸侯服享故靈王亦稱頡王

元年庚寅 箋按通鑑綱目靈王元年冬吳壽夢來朝據吳越春秋壽夢元年朝周適楚觀諸侯禮樂

魯成公會于鍾離深問周公禮樂成公悉為陳前王之禮樂因為詠歌三代之風壽夢因嘆而去曰嗚呼哉禮也左傳成公十五年冬十一月會吳于鍾離則壽夢來朝而問周公之禮樂正成公時也成公五年定王崩六年為簡王元年則會吳鍾離在簡王十年若靈王元年魯襄公二年非成公也漢書郊祀志周靈王即位時諸侯莫朝周襄弘廼明鬼神事設射不來不來者諸侯之不來者也依物怪欲以致諸侯諸侯不從而周室愈微故知靈王元年無吳壽夢來朝之事也

十四年晉悼公卒 癸亥 晉侯周卒晉世家悼公十五年

卒子平 公彪立

十五年 甲辰 晉平公元年 ○ 葬按左傳襄公十六年春葬晉悼公平公即位羊舌肸為傅張君臣為中

軍司馬祁奚韓襄欒盈士鞅為公族大夫虞正書為乘馬御改服修官烝于曲沃警守而下會于溴梁命

歸侵田以伐魯故執邾宣公莒犁比公林注十二年
十四年莒人侵魯前年邾人伐魯晉將為魯討之悼
公卒不克會故不公終其事又按史記年表亦以是
年為甲辰靈王二十一年魯襄公二十二年孔子生
歲在己酉据竹書則己酉是靈王二十年魯襄二十
一年也公羊傳襄公二十一年十月庚辰朔十有一
月庚子孔子生何休註曰時歲在乙卯又曰何氏自
有長歷不得以左氏難之然据竹書則魯襄公二十
一年歲在己酉何云乙卯當從竹書及年表孔子
生己酉歲自文王既沒至此共五百一十二年

二十七年王陟箋按春秋襄公二十八年十有二月甲寅天王崩林堯叟曰實十一月癸巳崩

而以十二月甲寅告此緩告非有事宜直臣子
怠慢皇覽曰周靈王葬于河南城西周山上

景王名貴。箋按周本紀靈王崩子景王貴立韋昭曰太子晉之弟也

元年丁巳

十三年春有星出婺女

箋按星傳婺女四星十一度在牽牛東北距西南星去極一百

四度半漢書李尋傳臣聞五行以水為本元武婺女

天地所紀終始所生孟康曰婺女須女也張揖廣雅

曰須女謂之婺女荆州古曰彗星犯婺女其邦兵起

左傳昭十年春王正月有星出于婺女鄭裨竈言于

子產曰七月戊子晉君將死今茲歲在顓頊之虛姜

氏任氏實守其地居其維首而有妖星焉告邑姜也

邑姜晉之妣也天以七紀戊子逢公以登星斯于是

乎出吾是以譏之杜注客星出非其地故曰妖星也

唐志歲星差合術曰昭公八年十一月楚滅陳史趙

曰未也陳顓頊之虛也歲在鶉火是以卒滅今在析

木之津猶將復由開元書在箕八度析木津也十年

春進及婺女初在元枵之維首傳曰有星孛于婺女

是也

是也

十月晉平公卒

箋按十月誤春秋昭公十年秋七月戊子晉侯彪卒即用夏正亦當為九月非

十月

十四年

庚午晉昭公元年。箋按晉世家平公二十六年卒子昭公夷立

河水赤于龍門三里

箋按水經注河水南出龍門口汾水從東來注之魏土地記曰梁山

北有龍門山大禹所鑿通孟津河口廣八十步竹書紀年晉昭公元年河水赤于龍門三里郡縣志龍門山在同州韓城縣北五十里京房曰君湏于酒淫于色賢人潛國家危厥異流水赤又曰河水赤者邑有寃

十九年晉昭公卒

箋按春秋昭公十八年秋八月己亥晉侯夷卒

冬十二月桃花

箋按五行志僖公三十三年十二月李梅實劉向以為李梅當剝落今反

華實近草妖也

二十年 晉頃公元年。箋按晉世家昭公六年卒子頃公去疾立

二十五年 晉頃公平王室亂立敬王 箋按春秋魯昭公二十二年夏四月

乙丑天王崩六月叔鞅如京師葬景王王室亂周本紀景王十八年后太子聖而早卒二十年景王愛子

朝欲立之會崩子丐之黨與爭立國人立長子猛為王子朝攻殺猛猛為悼王晉人攻子朝而立丐是為

敬王景王立二十三年崩自是而王室亂踰二年而立敬王故竹書總紀為二十五年耳而史記云二十

年誤也

敬王 名丐。箋按丐一作句春秋昭二十三年天王居

于狄泉尹氏立王子朝林堯叟曰居于狄泉言未得京師也于是王猛卒敬王即位即王猛之母弟也居于狄泉謂之東王子朝入于王城謂之西王誓曰

天王居于狄泉出子朝也

元年壬午

箋按周本紀敬王元年晉人入敬王子朝自立敬王不得入居澤四年晉率諸侯入敬王

于周子昭為臣諸侯城周十六年子朝之徒復作亂敬王葬于晉晉定公遂入敬王于周賈逵曰澤即翟

泉地理通釋曰翟泉地在成周東北晉率諸侯之徒修繕其城以成周城小不受王都故壞翟泉以廣焉

八年晉頃公卒

箋按春秋昭公十八年夏六月庚辰晉侯去疾卒秋八月葬晉頃公晉世家頃

公卒子定公午立

九年

庚寅晉定公元年。箋按晉定公元年魏舒為政定三年舒卒范鞅為政定十四年晉逐范中行氏

趙鞅歸于晉自是晉知氏韓氏趙氏魏氏並強分晉之勢成矣

十四年漢不見于天

箋按晉天文志曰天漢起東方尾箕之間謂之漢津乃分為二道其

南經傅說魚天籥天弁河鼓其北經龜貫箕下次絡南斗魁左旗至天津下而合南道乃西南行又分夾

匏瓜絡人星杵造父騰蛇王良附路閣道北端大陵
天船卷舌而南行絡五車經北河之南入東井水位
而東南行絡南河闕五天狗天紀在七星南而沒詩
倬彼雲漢昭回于天蓋謂此也敬王十四年漢乃不
見于天所以紀異也

二十六年晉青虹見箋按蔡邕月令曰虹見有青赤之色此有青無赤故曰青虹元命包

曰世惑臣謀虹舒照

二十八年洛絕于周箋按水經注周書稱周公將致政乃作大邑成周于土中南係于洛

水北因于邾山竹書晉定公二十年洛絕于周

三十六年淇絕于舊衛箋按水經注淇水出隆慮縣大號山又東逕逢都壘南世謂之

淇陽城又東分爲二水左爲苑水右則淇水自元甫城東南逕朝歌城北竹書晉定公二十八年淇絕于

舊衛

三十九年晉城頓

水南又屈逕頓西詩所謂送子

涉淇至于頓正竹書紀年晉定公三十一年城頓正

史記正義曰頓正故城在衛州頓正縣東北三十里

四十二年宋殺其大夫皇瑗于丹水之上

箋按哀十七年傳宋皇瑗

之子麋有友曰田丙而奪其兄鄴般邑以與之公執之皇瑗奔晉召之十八年春宋殺皇瑗公聞其情復

皇氏之族使皇緩為右師

丹水壅不流

箋按水經注獲水出汭水于梁郡蒙縣北

也竹書宋殺其大夫皇瑗于丹水之上又曰丹水三日絕不流蓋汭水之變名也地鏡曰河大壅下臣執

政或主大水又曰
流水忽停天下飢

四十四年王陟
箋按左傳哀十九年冬叔青如京師敬王崩故也史記年表敬王四十三年崩

則少一年徐廣曰歲在甲子
從史記也据竹書則在乙丑

元王
箋按周本紀敬王崩子元王立世本云元王名赤

元年丙寅
箋按太史公十二諸侯王年表始于周元王

晉定公卒
箋按晉世家定公在位三十三年卒子出公立韋昭洞記曰周元王二年彗星見其年

魯哀
公卒

三年
晉出公元年据温公稽古錄補

四年於越滅吳
箋按地理通釋曰越見春秋凡六其三稱越皆在昭公之時其三稱於越二在

定公一在哀公之時會稽記曰少康其少子號曰於越越國之稱始此吳太伯世家吳王夫差十八年勾踐率兵使伐吳敗吳師于笠澤二十年越復伐吳二十一年遂圍吳二十三年十一月丁卯越敗吳欲遷吳王于甬東子百家居之吳王曰孤老矣不能事君王也乃自刎死越王滅吳誅太宰嚭以為不忠而歸據左傳魯哀公十七年越伐吳吳禦之笠澤句踐十九年也二十年越圍吳乃句踐二十二年也二十三年越滅吳乃句踐二十四年首尾蓋三年矣國語曰居軍三年吳師自潰越世家亦曰留圍之三年吳師敗與左傳及太伯世家合吳越春秋曰句踐二十一年七月越王復悉國中士卒伐吳遂圍吳守一年吳師累敗遂棲吳王於姑胥之山校左傳則事在句踐十九年非二十一年且圍守三年非一年也俱誤又按建康志云越城在江寧縣尉廨後遺址猶存人呼為越臺宮苑記云周元王四年越相范蠡所築蓋卽是年也

六年澮絕于梁

箋按水經注澮水出河東絳縣東高山又西南逕虜祁宮南其宮地背汾面澮

西則兩川之交會也竹書晉出公五年澮絕于梁即

此水也一統志虜亭在潞安府襄垣縣西北五十里

春秋昭公八年叔弓如晉注曰賀虜祁也虜

祁宮名顏師古曰虜音斯今為虜亭鎮也

丹水三日絕不流

箋按地理志上黨高都縣莞谷丹水所出東南入洺水水經注丹水東南

流入丹谷又東南逕郟城西又西逕苑鄉城北屈逕

其城南流注于沁謂之丹口竹書晉出公五年丹水

三日絕不流即此水也一統志丹水在澤州城東北

三十里舊號洺水 sources 出高平縣西北仙公山南流合

白水入

沁河

七年齊人鄭人伐衛

箋按衛世家莊公出奔衛人立公

立公子起為衛君左傳注班師襄公孫服虔日起

靈公子又按齊人鄭人時為鄭聲公齊平公也

王陟箋按六國表起自元王皆云元王八年崩今据竹書是七年崩也

貞定王箋按世本貞王介崩子元王赤立周本紀元王崩子定王介立索隱曰如史記則元王是定王

父依世本則元王是貞王子必有一乖誤皇甫謐見此疑而不决遂彌縫史記世本之錯謬因謂貞定王

今据竹書已作貞定王乃元王子則世本與索隱並謬也

元年癸酉於越徙都瑯琊箋按吳越春秋立王勾踐二十年徙都瑯琊立觀臺以

望東海遂號令秦晉齊楚以尊輔周室瑁血盟即勾踐起臺處枯地志密州諸城縣東南百七十里有瑯

瑯臺越王勾踐觀臺也瑯琊山在縣東南百四十里

四年十一月於越子句踐卒是為莢執次鹿郢立箋按禮坊

記曰春秋不稱楚越之王喪陳澣曰書卒不書葬夷之也史記索隱曰越在蠻夷少康之後地遠國小春

秋之初未通上國史記微略無世系故紀年稱爲於越子又按越世家句踐卒子王鼫與立樂資春秋後傳曰越語謂鹿郢爲鼫與也

六年晉河絕于扈

箋按郡國志管縣有扈成亭水經注河水又東北逕卷之扈亭北左傳文

公七年晉趙盾與諸侯盟于扈竹書晉出公二十二年河絕于扈卽于是也又書傳多稱禹功告成之歲下逮周定王五年己未當魯宣公之七年而河遂東徙凡一千六百六十餘歲据竹書則定王五年爲丁丑六年爲戊寅河徙河絕皆在定王之世當魯哀公之時云宣公誤也

七年晉荀瑤城南梁

附注曰一本出公三十年○箋按南誤當作高郡國志平陽楊縣有

高粱亭水經注汾水西南逕高粱邑西故高粱之墟也竹書晉出公三十年知伯瑤城高粱今竹書是貞定王七年則是晉出公十三年也當是十三而訛爲三十又按左傳哀二十七年晉荀瑤帥師伐鄭次于

桐丘悼四年晉荀瑤帥師圍鄭韋昭曰智宣子晉卿荀躒之子申也瑤宣子之子智伯也諡曰襄子郡國志河東解縣注引博物記曰有智邑括地志故智城在蒲州虞鄉縣西北四十里

十年於越子鹿郢卒子不壽立箋按鹿郢立六年卒据

孫不壽是鹿郢即興夷也

十一年晉出公出奔齊箋按元王二年晉定公卒出公

七年也晉世家出公十七年智伯與趙韓魏共分范中行氏以為邑出公怒告齊魯欲以伐四卿四卿恐遂反攻出公出公奔齊一本作出公二十年非

十二年河水赤三日箋按京氏別對災異曰河水赤者

也洪範五行傳曰赤者火色也水盡赤以火沴水也又張華博物志曰江河水赤名曰泣血

荀瑤伐中山取窮魚之北

箋按左傳定四年荀寅曰中山不服中山名始見此史記

索隱曰中山故鮮虞國姬姓也隋圖經曰中山城在

今唐昌縣東北三十一里水經注涑水東逕廣昌縣

故城南又東北逕西射魚城東南而東北流又逕東

射魚城南竹書荀瑤伐中山取窮魚之邱窮射字相

類疑卽此城也

十三年晉韓龐取秦武城

箋按地理志武城縣屬左馮翊春秋文公八年秦人伐晉

取武城豈秦先取之晉晉又復取之秦耶又按水經

注洛水逕盧氏縣故城南竹書晉出公十九年晉韓

龐取龍氏城有盧氏川水注之朱謀埠箋云今竹書

云晉韓龐取盧氏城則酈注龍氏乃盧氏之譌而此

本作武城者誤也

秦蓋秦厲公也

十六年

晉出公二十二年○箋按史記六國年表三晉滅知伯在周定王十六年土距獲麟二十七年

皇甫謐曰元王十一年癸未三晉滅知伯據竹書則元王七年陟不得十一年也又按晉世家晉哀公四年趙襄子韓康子魏桓子共殺知伯盡并其地索隱曰如紀年之說此乃出公二十二年事又按秦本紀厲共公二十四年晉亂殺知伯分其國與韓趙魏二十五年知開與邑人來奔正義曰開知伯子與從屬來奔秦晉世家及秦本紀互相矛盾皆誤

十七年晉出公薨乃立昭公之孫是爲敬公

箋按晉世家出公奔

齊道死知伯乃立昭公會孫驕爲晉君是爲哀公趙世家知伯乃立昭公會孫驕是爲懿公年表出公十八年次哀公忌二年次懿公驕十七年皆自相矛盾今據竹書出公十七年奔齊又六年薨晉不應曠年無君年表晉世家皆有哀公忌是也此當是知伯所立定王十六年韓趙魏殺知伯于鞏臺之下明年立敬公則非知伯之所立明矣

十八年

己丑晉敬公元年。箋按晉世家哀公大父雍
晉昭公少子也。號戴子。生忌忌。早死。乃立忌子
驕為君。則世家懿公
蓋即紀年之敬公也。

二十年於越子不壽見殺是為盲姑次朱勾立

箋按越世家王

不壽卒子王翁立。是朱勾即王翁也。吳越春秋不壽
之後為不揚。是不揚又即朱勾也。朱勾水經注作末

誤勾

二十二年楚滅蔡

箋按蔡世家蔡侯齊四年
楚惠王滅蔡。蔡遂絕祀。

二十四年楚滅杞

箋按杞世家杞簡公春出公子也在
位一年。楚惠王四十四年滅杞。班固

曰簡公為楚所滅。弟他奔
魯。魯悼公給以采地為侯。

二十八年

晉敬公
十一年

王陟

箋按春秋成公五年冬十一月己酉定王崩

考王

箋按周本紀定王崩長子去疾立是為哀王哀王立三月弟叔襄殺哀王而自立是為思王思王立

五月少弟鬼攻殺思王而自立是為考王時考王封其弟于河南是為桓公以續周公之官職世本西周桓公名揭居河南東周惠公名班居洛陽蓋平王東遷以豐鎬為西周洛邑為東周至考王之後更以河南為西周顯王二年西周惠公封其少子班于鞏號為東周於是東西二周呂氏曰東西周各為列國不復相關自是而後稱東西周者皆謂二周君也

元年庚午

晉敬公十二年

魏文侯立

箋按魏世家魏獻子生魏侈侈之孫曰魏桓子桓子之孫曰文侯都魏文侯元年秦靈公

之元年也與韓武子趙桓子周威王同時國策吳師道注魏文侯名勘元年威烈王二年丁巳今据竹書

魏文侯初立
在考王元年辛丑
是在威烈王之前
五年也
又按漢高帝紀注
臣瓚曰
畢萬居魏
昭子徙安邑
文侯亦居之
是文侯不都魏也
呂氏春秋
魏文侯勝齊
天子賞文侯
以上聞水經注
鄴本齊桓公所置
後屬晉
魏文侯七年始封此
地故曰魏
漢高帝十二年置魏郡
治鄴縣
以此也

十年楚滅莒

箋按世本莒已姓括地志
密州莒縣故國也
楚世家簡王元年北伐滅莒

十一年晉敬公卒

箋按己丑元辛亥卒
在位二十三年

十二年

晉幽公柳元年
○箋按通鑑謂考王元年庚子
晉幽公立止有絳曲沃二邑
餘皆入于韓趙魏

今据竹書幽公之立
在考王十二年
王子非考王元年也

魯悼公卒

箋按魯世家魯哀公二十七年
三桓攻公公奔于衛
去如鄒
遂如越
國人迎哀公復歸卒

于有山氏子寧立是為悼公
三十七年悼公卒

十四年魯季孫會晉幽公子楚

箋按僖二年城楚

城衛衛未遷程畏齋曰楚

城楚正以備戎史克頌之賦楚宮知楚正非漕地矣

僖二年城楚正魯自城之也與書城中正城即城小

穀之云同又水經濮水逕葭密縣故城北注曰竹書

考王十四年魯季孫會晉幽公子楚正即葭密遂城

之時魯元公三年也地理志濟陽葭密縣一統志葭

密城在曹州曹縣西北三十里是也又有楚正城在

歸德府城北四十里古戎州已氏之邑春秋隱七年

十五年王陟

戎伐凡伯于楚正即是戎也而范甯注穀梁曰戎者

威烈王

箋按周本紀考王崩子威烈王午立

元年丙辰

三年晉大旱地生鹽

箋按水經注畦水耗竭土自成鹽亦是類也

五年晉丹水出反潔

箋按水經注引竹書曰晉幽公九年丹水出相反擊則潔是擊之譌

也又按地理志上黨高都縣有莞谷丹水出此是晉丹水也上洛冢領山亦有丹水故以晉丹水別之

六年晉大夫秦嬴賊幽公于高寢之上

箋按大夫當作夫人秦嬴秦女

為晉夫人者晉世家幽公十八年幽公淫婦人夜竊

出盜殺幽公索隱曰紀年云夫人秦嬴賊公于高寢

之上是今本大夫誤也又按春秋定公十五年公薨

于高寢穀梁傳曰高寢非正也說苑曰春秋壬申公

薨于高寢傳曰高寢者何正寢也諸侯正寢二一曰

高寢始封君之寢也二曰路寢繼體君之寢也其二

何子不居父之寢故二寢繼體君世世不可居高祖

之寢故有高寢名曰高也又按周禮宮人掌王之六

寢之修鄭注六寢者路寢一小寢五路寢以視事小寢以時燕息焉春秋書莊公薨于路寢僖公薨于小寢則諸侯不止于二寢矣

魏文侯立幽公子止

箋按晉世家魏文侯以誅晉亂立幽公子止是為烈公索隱曰系本

幽公生烈成公止年表云魏誅幽公立其弟止是史表誤也

七年 壬戌晉烈公元年

趙獻子城泫氏

箋按溫公通鑑曰趙襄子封伯魯之子于代曰代成君早卒立其子浣為趙氏

後襄子卒弟桓子逐浣而自立一年卒趙氏之人曰桓子立非襄主意乃其殺其子復迎浣而立之是為

獻子地理志上黨泫氏縣應劭曰山海經泫水所出者也

韓武子都平陽

箋按地理志河東平陽縣韓武子元孫貞子居此世本作景子徙此又按韓世

家韓之先曰韓武子得封韓原後三世有韓厥是為韓獻子其子宣子名起徙居州子貞子名頊徙居平陽又四傳至武子名啟章仍都平陽是韓之先後有兩武子讀漢志者易以滋疑也

八年趙城平邑

箋按地理志平邑屬代郡趙世家趙獻侯十三年城平邑後漢書注曰代郡有

平邑今魏郡昌樂縣東北又有平邑城

九年楚人伐我南鄙至于上洛

箋按此云楚人楚簡王時也戰國策楚魏戰于

陘山魏許秦以上洛以絕秦與楚地理志上洛縣屬弘農郡水經注晉分為郡地道記曰郡在洛上故以

為名

十一年田公子居思伐邯鄲圍平邑

箋按風俗通曰陳完字敬仲陳厲公

之子也厲公為蔡所滅殺國內亂完奔于齊始食田采姓田氏焉田居思疑即是齊策田臣思也水經注

河水故瀆逕昌樂縣故城又東北逕平邑郭西竹書
晉烈公四年趙城平邑五年田公子居思伐趙鄙圍

平邑者也按是
時齊為宣公

十二年於越子朱勾伐郟以郟子鵠歸

箋按左傳昭公十四年郟子來

朝郟子曰吾高祖少昊摯之立也杜注少昊金天氏黃帝之子己姓之祖也索隱按紀年於粵子朱勾三

十四年滅滕三十五年滅郟地理志東海郟縣故國

十四年於越子朱勾卒子翳立

箋按索隱曰紀年云朱勾三十七年卒又按淮

南子曰越王翳逃山穴越人薰而出之遂不得已据莊子此乃越王無顓之事非翳也

十六年齊田盼及邯鄲韓舉戰于平邑邯鄲之師敗逋

遂獲韓舉取平邑新城

箋按齊策盼子謂齊王注曰盼子田盼也威王臣蓋即此田盼

矣括地志平邑故城在魏州昌樂縣東北四十里後魏地形志高陽郡有新城縣二漢晉曰北新城前漢屬中山後漢屬涿當即此新城也又漢地理志代郡平邑秦本紀莊襄王三年蒙驁攻趙榆次新城括地志新城亦名小平城在朔州鄆陽縣西南四十里驚所攻也

十七年魏文侯伐秦至鄭還築汾陰郃陽箋按括地志汾陰故城在

蒲州汾陰縣北九里此汾陰誤汾當作洛魏世家魏文侯十七年西攻秦至鄭而還築雒陰郃陽正義曰雒漆沮水也城在水南郃陽郃水之北括地志雒陰在同州西郃陽故城在同州河西縣南地理志京兆鄭縣鄭桓公邑魏文侯伐秦至鄭而還即此按是時為秦簡公

田悼子卒箋按田完世家田莊子卒子太公和立索隱按紀年齊宣公十五年田莊子卒明年立田

悼子悼子卒乃次立田和是莊子後有悼子而世家不錄據莊子及鬼谷子並云田成子殺齊君十二代

而有齊國世家自成子至王建之滅祗十代若如紀
年則悼子及侯剡卽有十二代與莊子鬼谷說同明
紀年非妄也紀年齊康公二十二年
田侯剡立與悼子合數爲十二也

田布殺其大夫公孫孫公孫孫以廩工叛于趙

箋按水經注瓠

河之北卽廩工縣也王隱晉書地道記曰廩工者春秋之所謂齊邑矣實表東海者也竹書晉烈公十一年田悼子卒田布殺其大夫公孫公孫以廩工叛于趙朱謀璋曰今竹書作田布殺其大夫公孫孫公孫孫以廩工叛于趙是皆誤也旣云公孫孫見殺又何從復以廩工叛于趙乎今據齊世家齊宣公五十一年田會反廩工索隱引紀年宣公五十一年公孫會以廩工叛于趙則下公孫孫乃公孫會之譌地理志東郡有廩工縣

田布圍廩工翟角趙孔屑韓氏救廩工及田布戰于龍

澤田師敗逋

箋按趙世家趙敬侯三年救魏于廩正大敗齊人即是事也又按水經注河水東逕

鐵正南河之西岸有竿城郡國志曰衛縣有竿城者也河南有龍淵宮元光中河決濮陽武帝起宮于決河之旁龍淵之側故曰龍淵宮據此則龍澤蓋即為龍淵矣又按地理志廩正濮陽並屬東郡

十八年王命韓景子趙烈子及我師伐齊入長垣

箋按王威

烈王也外紀云威王十六年王命韓趙伐齊入長城

據竹書則威王十八年也又按韓景子名虔武子之

子趙烈子名籍獻子之子敬侯之父也依此則上年

救廩正者乃趙烈侯世家云敬侯誤也長垣即長成

蘇氏曰齊有長城巨防呂氏春秋曰魏文侯東勝齊

於長城天子賞文侯以上聞蓋即是年也又按通鑑

綱目曰王命晉韓啟章趙浣伐齊入長垣不審啟童

乃韓景子父浣乃趙烈子父以竹書較之蓋皆誤也

又按伐齊在齊

康公之二年

二十三年王命晉卿魏氏趙氏韓氏為諸侯箋按周本紀威烈王

二十三年九鼎震命韓魏趙為諸侯蓋春秋之季晉有范氏中行氏知氏是為六卿後三家為韓魏趙所

滅三分晉地而有之至是魏斯趙籍韓虔始請命于天子為諸侯司馬溫公作資治通鑑始于元年胡三

省曰上距春秋獲麟七十八年距左傳趙襄甚知伯事七十一年

二十四年王陟

安王箋按周本紀威烈王崩子安王驕立古今人表云元安王駘

元年庚辰

九年晉烈公卒子桓公立附注曰韓非子作桓侯○箋按晉世家烈公卒子孝公頎

立世本云孝公頎欣綱目作孝公頎今紀年作桓公是與韓非子同也

十年己丑晉桓公頃元年○箋按漢紀高祖曰命乃在天雖扁鵲何益李奇曰名越人魏桓侯時醫

也臣瓚曰魏無桓侯師古曰瓚說是也今據竹書及韓子李奇諸說瓚云無桓侯非也

十五年魏文侯卒附注在位五十年○箋按考王元年庚子魏文侯初立安王十五年甲午

文侯卒實在位五十五年晉世家文侯三十八年卒附注云在位五十年皆未詳也

大風晝昏箋按荆州占曰凡霧氣四方俱起百步不見人曰昏開元占經曰天色晦暝雲氣昏濁風

聲寒慘是謂災風又曰魏惠成王元年晝晦十六年邯鄲四墮室多壞民多死然竹書在武侯元年前

一年安王十五年也

晉太子喜出奔箋按晉太子喜當是晉桓公子也而世家年表不載

十六年乙未魏武侯擊元年○箋按韓詩外傳曰魏文侯有子曰擊次曰誦誦少而立之以為嗣對擊

於中山三年莫往來其傳趙倉唐諫曰何不遣使乎
則臣請使擊曰諾於是遂求北犬晨雁齋行倉唐至
曰北藩中山之君再拜獻之文侯曰嘻擊知吾好北
犬嗜晨雁也即見使者文侯曰中山之君亦何好乎
對曰好詩文侯曰於詩何如對曰好晨風文侯曰晨
風謂何對曰詩云鵲彼晨風鬱彼北林未見君子憂
心欽欽如何如何忘我實多此自以忘我者也於是
文侯大悅曰中山君不賢烏能得賢傳遂廢太子訴
召中山君以為嗣劉向說苑曰文侯遣倉唐賜太子
衣一襲令鷄鳴時至太子迎拜賜發篋衣盡顛倒太
子曰欲召擊也詩曰東方未明
顛倒衣裳顛之倒之自公召之

封公子緩

箋按魏世家云
公中緩中音仲

二十一年韓滅鄭哀侯入于鄭

箋按韓世家韓哀侯二
年滅鄭曰徙都鄭索隱

日紀年魏武侯二十一年韓滅鄭哀侯入于鄭二十
二年晉桓公邑哀侯于鄭今据竹書韓滅鄭在周安

王二十一年魏武侯六年又按鄭世家鄭君乙二十一年韓哀侯滅鄭蓋索隱誤記為魏武侯之二十一年也其云魏武侯二十二年

二十三年於越遷于吳

箋按索隱据紀年云越王翳三十三年遷于吳今考是三十二年

年

二十六年王陟

魏城洛陽及安邑王垣

箋按洛陽疑當作汾陽地理志河南洛陽是為成周春秋昭二

十一年晉合諸侯大成周之城以居故王此豈待魏武侯始城者大原有汾陽當是其所城耳又河東南安邑縣魏絳自魏徙此有垣縣徐廣曰垣縣有王屋山故曰王垣魏世家武侯三年城安邑王垣括地志

王垣在絳州垣

縣西北二十里

七月於越太子諸咎弒其君翳

箋按索隱曰紀年云翳三十六年七月太子諸

咎弒其君翳又按夏之符姑孰備攷安王二十六年越世子諸咎弒其君翳葬之大橫山之下是時越遷

于長干也

十月越人殺諸咎越滑吳人立孚錯枝為君

箋按越世家王翳卒

子王之侯立是之侯即孚錯枝也

烈王箋按周本紀安王崩子烈王喜立古今人表云夷烈王喜元安王子

元年丙午

魏公子緩如邯鄲以作難

箋按魏世家初武侯卒也子瑩與公中緩爭為太子公孫

頤自宋入趙自趙入韓謂韓懿侯曰魏瑩與公中緩爭為太子君亦聞之乎今魏王得王錯挾上黨固半

國也因而除之破魏必矣懿侯說乃與趙成侯合軍
并兵以伐魏戰于濁澤魏氏大敗胡三省注通鑑曰
解縣濁澤近于魏都又按稽古錄韓趙敗魏於濁澤
遂圍魏趙欲弑罃立公中緩割地而退韓欲兩分之
趙不可韓怒以其師夜去
趙師亦歸魏罃遂滅緩

於越大夫寺區定越亂立初無余是為莽安

箋按索隱曰紀年大

夫寺區定越亂立初無余之是無余之即王之侯
也据吳越春秋王侯自稱為君當即為王之侯也

二年秦胡蘇帥師伐韓韓將韓襄敗胡蘇于酸水

箋按胡蘇

一作蘇胡是蓋秦獻公時也水經注濮水逕酸棗縣
故城南又東逕胙亭東南又東與酸棗故瀆會酸瀆
首受河于酸棗縣東逕酸棗城北延津
南竹書韓襄敗秦蘇胡于酸水者也

魏觴諸侯于范臺

箋按魏策梁主魏嬰觴諸侯于范臺
酒酣請魯君舉觴魯君與避席擇言

梁主稱善相屬嬰史作瑩諸侯索隱按紀年謂魯恭侯宋桓侯衛成侯鄭釐侯也

晉桓公邑哀侯于鄭

箋按韓滅鄭八年晉桓公始邑之于鄭資治通鑑曰烈王元年韓滅

鄭因徙都之皆誤又按初學記注韓貞子初都河北之平陽哀侯徙焉東自豫許畧汝鄧而西得河南府

之陽翟福昌新安盡韓地也

韓山堅賊其君哀侯

箋按六國表韓哀侯六年韓嚴殺其君資治通鑑烈王五年韓嚴遂

弑哀侯國人立其子懿侯初哀侯以韓廙為相而愛嚴遂二人甚相害也嚴遂令人刺韓廙于朝走哀侯

哀侯抱之刺韓廙兼及哀侯今据竹書韓嚴嚴遂即山堅實一人也

六年

辛亥梁惠成王元年

韓共侯趙成侯遷晉桓公于屯留

以後更無晉事。箋按韓無共侯當即是

懿侯年表懿侯作莊侯是皆譌也趙世家趙成侯十六年與韓魏分晉封晉君以端氏趙肅侯元年奪晉君端氏徙處屯留今據紀年徙屯留即趙成侯也地理志端氏屬河東屯留屬上黨

趙成侯偃韓懿侯若伐我葵

鄗城。箋按世本趙成侯名種此云偃異又按水經

注司馬彪曰山陽有鄗城京相璠曰河南山陽西北六十里有鄗城竹書魏惠成王元年趙成侯偃韓懿侯若伐我葵者也

七年王陟

箋按趙策周烈王崩諸侯皆弔齊後至周怒赴于齊

我師伐趙圍蜀陽

箋按伐趙當作伐韓地理志韓分晉得南陽郡及潁川之長社陽翟郟郡

國志潁川長社有蜀城有蜀津水經注潁水枝渠東逕曲強東皇陂水注之皇陂即古長社縣之濁澤也其陂水北對鷄鳴城即長社縣之濁城也濁陽蓋韓地故魏伐韓而圍之若伐趙何山圍蜀陽乎

齊田壽帥師伐我圍觀觀降

箋按田完世家齊威王九年敗魏于濁澤而圍惠王

惠王請獻觀以和解徐廣曰年表云伐魏取觀今之

衛縣也正義曰按濁澤蓋誤當作觀澤年表云魏哀

王二年齊敗我觀澤今据竹

書是惠王二年非哀王也

魏大夫王錯出奔韓

箋按呂氏春秋吳起治西河王錯

也魏世家公孫頤謂韓曰魏營得王錯徐廣

引紀年惠王二年魏大夫王錯出奔韓是也

竹書統箋卷十一

總校王詒壽分校

汪學瀚
陳 謨 校

首

王

命

公

封

伯

王

命

公

封

伯

子

王

命

公

封

伯

子

王

命

公

封

伯

子

王

命

公

封

伯

子

王

命

公

封

伯

子

王

命

公

封

伯

子

王

命

公

封

伯

子

王

命

公

封

伯

子

竹書紀年統箋卷之十二

梁 武康沈 約休文附注

清 當塗徐文靖位山統箋

同里 馬 陽葵齋 校訂

崔萬烜郁岑

顯王

箋按周本紀烈王崩弟扁立是為顯王帝王世紀作顯聖王

元年癸丑鄭城邢丘

附注自此韓改稱曰鄭。箋按韓詩外傳武王伐紂到邢丘更名邢

丘日懷左傳宣六年赤狄伐晉圍懷及邢丘杜注邢丘今河內平臯縣水經注日昔晉侯送女于楚送之邢丘即是處也竹書梁惠成王三年鄭城邢丘

秦子向命為藍君

箋按水經注霸水北歷藍田川逕藍田縣北竹書梁惠成王三年秦子向

命為藍君蓋子向之故邑也

二年河水赤于龍門三日

箋按趙世家成侯八年與韓分周以為兩徐廣曰顯王二

年即是年也京房妖占曰河水赤下民恨貞定王二

二年河水赤三日周景王十四年河水赤于龍門三

里今赤于龍門三日則又不止三里矣地理通釋曰

河至慈州文城縣孟門山是為入龍門至絳州汾水

合河之上是謂出龍門

其地總謂之龍門也

三年公子景賈帥師伐鄭韓明戰于韓我師敗逋

箋按水經

注濮渠之側有漆城或亦謂之濮苑城春秋甯武子

與衛人盟于苑濮杜預曰長垣西南近濮水也竹書

梁惠成王五年公子景賈帥師伐鄭韓明戰于陽我

師敗逋澤北壇陵亭亦或謂之大陵城非所究也据

此則戰于陽者當是濮陽而今本則戰于韓蓋濮陽本衛地至是而屬之韓也

四年夏四月甲寅徙都于大梁

箋按地理志陳留浚儀故大梁魏世家惠王三

十一年秦用商君東地至河而齊趙數破我安邑近秦於是徙治大梁水經注大梁本春秋之陽武高陽

鄉也於戰國為大梁周梁伯之居竹書梁惠成王九年四月甲寅徙都于大梁孫奭孟子疏亦引竹書紀

年梁惠成王九年徙都大梁漢高祖紀注臣瓚引汲郡古文魏惠王六年自安邑遷於大梁與今本合

王發逢忌之藪以賜民

箋按哀十四年傳宋皇野語左師向巢曰迹人來告逢澤有介

麋焉地理志河南開封縣逢池在西北或曰宋之逢澤也臣瓚曰汲郡古文梁惠王發逢忌之藪以賜民今浚儀縣有逢陂忌澤是水經注魯溝水流逕開封縣故城北南際富城東南入百尺陂即古之逢澤也

於越寺區弟思弒其君奔安次無顓立

箋按莊子曰越人三世弒其君

王子搜患之逃乎丹穴不肯出越人薰之以艾乘以王輿樂資曰號曰無顓是無顓即子搜也庾信周步

陸郢碑既遭燼穴翻從壓紐謂此

五年雨碧于郢

箋按山海經耿山多水碧柴桑潯陽其下多碧說文碧石之青美者天鏡曰天

兩石兵喪萬民亾又按楚世家文王熊貲始都郢杜預曰今南郡江陵縣北紀南城是括地志平王更城

郢在江陵縣東北六里荆州記昭王十年吳通漳水灌紀南入赤湖進灌郢城遂破楚則此郢與紀南為

二者蓋指平王所城之郢而言也但顯王六年雨黍于齊此不言雨碧于楚則似非楚郢据周書敘惟王

季宅程史記正義引周書敘惟王季宅郢孟子謂文王生于畢郢字亦作郢郢故城在咸陽東二十里則

雨碧于郢者或此也故不言楚楚宣王時也

地忽長十丈有餘高尺半

箋按地鏡曰地無故自長如

失地亾民山海經廣注漢元帝時臨淮

徐縣地踊長五六里高二丈與此正同

六年我師伐邯鄲取列人

箋按地理志廣平國有列人縣水經注漳水過斥丘縣卽

裴縣又東北逕列人縣故城南竹書

梁惠成王八年伐邯鄲取列人者也

我師伐邯鄲取肥

箋按地理志眞定國有肥壘縣春秋

城東又東逕肥鄉縣故城北竹書

梁惠成王八年伐邯鄲取肥者也

雨黍于齊

箋按易飛侯曰天雨黍爲政者去大人出死他國三年國有死將此亦齊威王時也

七年我與邯鄲趙榆次陽邑

箋按地理志榆次陽邑並屬太原郡本魏地也魏惠

王九年與趙秦本紀莊襄王三年蒙

驚攻趙榆次新城是後爲趙地也

王會鄭釐侯于巫沙

箋按水經注濟水滎澤中北流至衡雍西又南會滎澤至垂隴城濟

澤出其北又有沙城城左佩濟瀆竹書梁惠成王九年王會鄭釐侯于巫沙者瀆際有故城也

八年入河水于圃田又為大溝而引圃水

箋按水經注渠水自河與

濟亂流東逕滎澤北歷中牟縣之圃田與陽武分水西限長城東極官渡北佩渠水東西四十里許南北

二百里許中有沙岡上下二十四浦水盛則北注渠溢則南播竹書梁惠成王十年入河水於圃田又為

大溝而引圃水者也一統志大溝在尉氏縣西南一十五里東北合康溝入于黃河爾雅鄭有圃田本鄭

地而後入于魏

瑕陽人自秦導岷山青衣水來歸

箋按晉有二瑕左傳郇瑕氏之虛京相璠

曰河東解縣西南五里有故瑕城文公十二年秦侵晉及瑕十三年晉侯使詹嘉處瑕西征記陝州太原

倉北臨大河周迴六里。卽晉詹嘉所處之瑕也。瑕陽人不知何屬無所考也。華陽國志曰有沫水從西來出岷江又從岷山西來合郡下青衣江入大江水經青衣水出青衣縣西蒙山東與沫水合道元注曰縣故有青衣羌國也。竹書紀年梁惠成王十年瑕陽人自秦導岷山青衣水來歸者也。一統志青衣水出雅州廬山縣東南流至雅州合沫水經名山縣至嘉定州入大江蓋魏瑕陽人爲秦導岷山青衣水至是始自秦來歸若魏地逼近大河安用導青衣水來歸哉。

九年秦師伐鄭次于懷城殷箋按秦孝公時也郡國志懷屬河內有懷城括地志

故懷城在懷州武陟縣西十一里水經注朱溝水自枝渠東南屈逕州城東又東逕懷城又東逕殷城竹書秦伐鄭次于懷城殷者也。

十年楚師出河水以水長垣之外箋按水經注河水舊于白馬縣南決通濮

濟黃溝故蘇代說燕曰決白馬之口魏無黃濟陽竹
書梁惠成王十九年楚師出河水以水長垣之外者
也陳留風俗傳縣
有長垣故縣氏之

龍賈帥師築長城于西邊

箋按秦本紀魏築長城自鄭濱洛以北有上郡正義曰魏

界與秦相接南自華州鄭縣西北過渭水濱洛水東
岸向北有上郡鄜州之地皆築以界秦境洛即漆沮
水也以在魏西故曰築長城于西邊也魏世家惠王
十九年築長城塞固陽即此也水經注以郡國志長
城自卷逕陽武到密為龍
賈築長城于西邊謬矣

鄭取屯留尚子

箋按地理志屯留長子並屬上黨郡水經注漳水東會于梁水北流至長子縣

故城南竹書梁惠成王十二年鄭取屯留尚子則尚
子即長子之異名也春秋襄十八年晉人執孫荊于

純留即此也

十一年鄭釐侯使許息來致地平丘戶牖首垣諸邑及

鄭馳地

箋按春秋昭公十三年諸侯盟于平丘杜注平丘在陳留長垣縣西南左傳哀公十三年會于

黃池吳人囚子服景伯而還及戶牖歸之杜注戶牖

陳留外黃縣西北東昏城是趙世家肅侯七年公子

刻攻魏首垣水經注濮水又東逕韋城有馳道屬于

長垣濮渠東絕馳道逕長垣縣故城北衛地也故首

垣矣按馳地是馳走車馬之中道

孔仲達曰馳道如今之御道也

我取枳道

箋按趙世家蘇厲說趙王曰齊韓西師以禁秦使秦反温枳高平于魏注曰温枳皆河內

蘇秦列傳秦正告魏曰我下枳道南陽封冀索隱曰

枳是河內枳縣言道者亦衍字今据竹書云我取枳

道是河內枳亦稱枳道也括地志故

枳城在懷州濟源縣東南三十里

與鄭鹿

箋韓哀侯滅鄭徙都鄭韓因改稱為鄭此鄭即韓也水經注黎陽縣故城黎山在城西竹書

梁惠成王與鄭鹿即城也今城內有臺尚謂鹿鳴臺又謂鹿鳴城王元謨自滑臺走鹿鳴者也

王及鄭釐侯盟于巫沙以釋它陽之圍箋按它當作宅

年與韓會宅陽竹書晉出公六年齊鄭伐衛荀瑤城宅陽字當作宅水經注秦昭王四十二年魏冉攻魏

走莒卯入北宅即故宅陽城也竹書惠王十三年盟于巫沙以釋宅陽之圍者也括地志宅陽故城在鄭

州滎陽東南十七里又按一統志河間府阜城縣有宅陽城一名沙丘春秋時晉東陽地

歸釐于鄭箋按水經注河溢為滎濟水受焉北濟也濟水又東南逕釐城東春秋經書公會鄭伯于

時來左傳所謂釐也京相璠曰今滎陽縣東四十里有故釐城春秋地名考略曰今開封東四十里有釐

城蓋釐本鄭邑魏取之至是復歸于鄭也

十二年魯恭侯宋桓侯衛成侯鄭釐侯來朝箋按魯恭侯名奮魯

穆公子中記作共公宋桓公名辟兵宋休公子衛成侯名速衛聲公子鄭釐侯名武鄭懿侯子卽韓昭侯也韓策謂之昭釐錄

於越子無顓卒是為莢蠋卯次無疆立

箋按索隱曰無顓之弟胡三省

曰自句踐至無疆凡六世据吳越春秋句踐卒子興夷卽位一年卒子翁立卒子不揚立卒子無疆立勾踐至無疆僅五世也竹書無疆上有王之侯及無顓凡七世則吳越春秋誤也又無疆水經注及稽古錄並作無疆非

十三年邯鄲成侯會燕成侯于安邑

箋按趙成侯名種趙敬侯子燕成侯

名載燕孝侯子地理志安邑屬河東

十四年秦公孫壯伐鄭圍焦城不克

箋按顯王十四年秦孝公十一年也

水經注役水東北流逕苑陵縣故城北東流北逕焦城東陽丘亭西謂之焦溝竹書秦公孫壯帥師伐鄭圍焦城不克即城也

秦公孫壯帥師城上枳安陵山氏

箋按秦謂秦孝公時也通鑑赧王二十六年

年秦大良造白起客卿錯伐魏至枳取城大小五十六胡三省曰枳縣班志屬河內郡唐為孟州濟源縣又按郡國志京兆霸陵有枳道亭是秦地有兩枳故因以河內為上枳也地理志潁川有雋陵縣李奇曰六國時為安陵郡國志汝南有安陵亭注曰即魏安陵君所封水經注役水自陽丘亭東流逕山氏城北為高榆淵竹書秦公孫壯帥師城上枳安陵山氏者也

邯鄲伐衛取漆富兵城之

箋按水經注酸水逕燕城北又東逕滑臺城南又東南會

于濮濮渠之旁有漆城竹書梁惠成王十六年邯鄲伐衛取漆富兵城之者也謝注曰兵當作丘又伐衛

在衛聲
公時也

齊師及燕戰于洵水齊師遁

箋按齊威王及燕文公時也水經注鮑王水自雍奴

縣故城西北又東與洵河合水出右北平無終縣西山白楊谷東逕平谷縣之紱城南又東南逕臨河城

竹書梁惠成王十六年齊師及燕戰于洵水齊師遁即是水也

十五年齊田期伐我東鄙戰于桂陽我師敗逋

箋按國策蘇子

謂魏曰魏東與齊境又齊伐魏東鄙戰于桂陽在周顯王十四年邯鄲之師敗魏于桂林在周顯王十六年總為齊田期所敗水經注桂陽亦曰桂陵大抵在桂水之北故曰桂陽

東周與鄭高都

箋按趙世家趙成侯七年與韓攻周八年與韓分周以為兩徐廣曰顯王二年

則東周復有東西之分始此蓋以自考王封弟揭于河南是為桓公桓公傳威公惠公是為西周惠公公

復封其少子班于鞏曰東周惠公立長子曰西周武
公惠公卒子傑嗣武公卒子文成嗣則此與鄭高都
者正東周惠公時也史記音義曰河南新鄭縣有高
都括地志高都故城在洛州伊闕縣北又按國策曰
雍氏之役蘇代謂周君曰代能為君令韓不徵粟與
甲于周又能為君得高都遂往見韓相公仲而與高
都是高都
卒歸周也

鄭釐侯來朝中陽

箋按韓策或謂鄭王曰申不害之計
事曰夫弱魏之兵而重韓之權莫如

朝魏昭釐侯聽而行之即謂此也又按水經注太水
出太山之陽東南流注于役水東北逕武陵城西又
北逕中陽城西竹書梁惠成王十七年鄭釐
侯來朝中陽者也今据竹書在十五年也

宋景鼓衛公孫倉會師圍我襄陵

箋按田完世家魏惠
王圍邯鄲趙求救于

齊騶忌曰不如勿救段干朋曰不如南攻襄陵以敝
魏于是成侯言威王使田忌南攻襄陵時宋衛復會

師以圍之當必齊使之也司馬溫公稽古錄周烈王
四年爲衛聲公宋辟公元年史記世家聲公十一年
卒子成侯立辟公三年卒子剔成公立則圍魏襄陵
者正宋剔成衛成侯時也鮑彪注國策曰襄陵屬河
東魏邑也攻之使魏困史記正義曰襄陵故城在兗州鄒縣非

十六年王以韓師諸侯師縣于襄陵

箋按以韓師諸侯師一作以諸侯韓

師誤蓋魏懲前此襄陵之圍因以縣之

齊侯使楚景舍來求成

箋按水經注梁惠成王十八年齊侯使楚景舍來求成公會齊

宋之圍蓋求成謂通好也隱元年傳惠公之季年敗宋師于黃公立而求成焉林氏曰魯未始通好命是也

邯鄲之師敗我師于桂林

箋按資治通鑑曰顯王十五年魏惠王伐趙邯鄲楚王使

景舍救趙十六年齊威王使田忌救趙十月邯鄲降魏師還于齊戰于桂林魏師大敗括地志桂陵在曹

州乘氏縣東北二十一里

秦伐韓闕與惠成王使趙口破之

附注不知是何年○
按魏世家如耳謂

魏王曰昔者魏伐趙斷羊腸拔闕與約斬趙趙分爲

二所以不亾者魏爲從主也括地志闕與山在磁州

武安縣西南二十里徐廣曰武安在邯鄲西北當是

趙之闕與但此是魏伐趙非秦伐韓也戰國策無忌

謂魏王曰夫越山踰河絕韓上黨而攻強趙是復闕

與之事秦必不爲也史記索隱曰秦韓相攻闕與而

趙奢破秦軍郡國志上黨涅縣縣有闕與聚此當是

韓之闕與但秦師伐韓而趙奢破之非顯王時事溫

公稽古錄周赧王四十五年秦人伐趙圍闕與趙奢

救之大破秦師與魏惠成王無涉故附注謂不知何

也

十七年燕伐趙圍濁鹿趙靈王及代人救濁鹿敗燕師

于勺箋按燕文公時也水經注博水出望都縣東南流逕其縣故城南又東南逕三梁亭南疑即古勺梁

也竹書燕人伐趙圍濁鹿趙武靈及代人救濁鹿師于勺梁者也今廣昌東嶺之東有山俗名之濁鹿以

此推之或近是矣朱謀埠曰古本作敗燕于勺燕竹書但云敗燕師于勺吳瑄改作勺梁是也又按溫公

稽古錄周烈王元年趙成侯元年又四十年趙肅侯薨成侯也後三年為趙肅侯元年又四十年趙肅侯薨

武靈王即位則此時救濁鹿者當猶是趙肅侯也史記趙世家趙伐魏在肅侯十一年於竹書為周顯王

二十七年安得十年之前為靈王救濁鹿乎或靈王此時已能將兵故命之救也

晉取元武瀋澤

附注即雷澤舜漁處○箋按地理志河東有瀋澤縣初學記引墨子曰舜漁于

雷澤在瀋澤縣西穆傳天子四日休于瀋澤郭注曰今平陽瀋澤縣是也瀋澤故城在今澤州陽城縣西

二十里又項羽本紀漢王封項氏有桃侯平皋侯
侯玄武侯桃平皋皆邑則玄武亦必邑名可知

十八年齊築防以為長城

箋按襄十八年傳諸侯伐齊齊侯禦諸平陰塹防門而守

之廣里杜注平陰在濟北盧縣東北其城南有防防
有門于門外作塹防橫行廣一里史記蘇秦列傳燕

王曰吾聞齊有長城足以為塞信有之乎正義引竹
書紀年梁惠王二十年齊閔王築防以為長城今據

竹書齊築長城在梁惠王十二年不應與齊閔同時
齊記曰齊宣王築長城東至海西至濟州以備楚其

實非也此築防為長城者猶威王也
顯王三十七年始為齊宣王元年

十九年王如衛命公子南為侯

箋按水經注汲郡古文謂衛將軍文子為子南

彌牟其後有子南勁紀年勁朝于魏後魏惠成王如
衛命子南為侯秦本紀昭襄王九年魏公子勁為諸

侯索隱曰別封之邑比之諸侯魏當作衛字譌也又
按韓非子曰衛子南勁之為其臣也上偪君下亂治

援外以撓內侵下以謀上今觀魏惠王如衛命
子南為侯則援外撓內侵下謀上從可知矣

二十年

二十一年魏殷臣趙公孫哀伐燕還取夏屋城曲逆

按箋

伐燕燕文公時也呂氏春秋趙襄子上于夏屋以望
代俗其樂甚美高誘曰夏屋代之南山也漢地理志
太原廣武縣賈屋山在北即夏屋又中山國曲逆縣
章帝醜其名改曰蒲陰水經注濡水蒲陰縣西東逕
其縣故城南枉渚迴湍率多曲復亦謂之為曲逆水
也張晏曰濡水于城北曲而西流故曰曲逆濡水又
東得蒲水口蒲水逕安陽關下出關北流又東逕夏
屋故城實中險絕竹書魏殷臣趙公孫哀伐燕還取
夏屋城曲逆者也

二十三年壬寅孫何侵楚入三戶郢

箋按侵楚楚宣王時也郡國志南陽

丹水縣有三戶亭左傳哀十四年晉執蠻子與其五大夫以畀楚師于三戶者也水經注浙水出浙縣西北盧氏縣大蒿山又歷其縣東而南流入丹水縣注于丹水丹水又東南逕一故城南名曰三戶城一統志三戶城在鄧州內鄉縣西南

楚入徐州箋按入一本作伐楚策曰齊魏戰于馬陵齊大勝魏魏王召惠施告之對曰王若欲報齊

乎不如因變服折節而朝齊田嬰許諾遂內魏王而與之並朝齊侯再三楚王怒自將而伐齊大敗齊于徐州史記索隱曰徐音舒左氏作舒說文作郟在薛縣正義曰在勃海郡東平縣也

二十三年魏章帥師及鄭師伐楚取上蔡箋按楚世家懷王十七年

悉兵襲秦戰于藍田大敗楚軍韓魏聞楚之困乃南襲楚至于鄧潛夫論曰上蔡北有古鄧城是也地理志汝南有上蔡縣應劭曰以九江有下蔡故曰上蔡又按春秋取國邑十有六趙子曰凡力得之曰取

孫何取瀝陽

箋按水經注瀝水出潁川陽城縣東南逕臨潁縣西北小瀝水出焉瀝水又東逕瀝

陽城北又東逕瀝疆縣故城南正應為瀝陰而有瀝陽之名者明在南猶有瀝水故以陽名

秦孝公會諸侯于逢澤

箋按秦孝公名渠梁秦獻公子也地理志開封縣有逢池在西

北即逢澤也秦世家孝公二十年諸侯畢賀秦孝公使公子少官率師會諸侯于逢澤朝天子秦策魏拔

邯鄲因退為逢澤之遇皆是地也後漢西羌傳秦孝公雄強威服羌戎孝公使太子駟率戎狄九十二國

朝周顯王正一時事

絳中地塿西絕于汾

箋按考異郵曰臣恣地裂圻漢舍莩口大夫專權兵陵地圻水經注

汾水又經絳縣故城北竹書梁惠成王二十五年絳中地塿西絕于汾汾水西逕虜祁宮北橫水有故梁

截汾水中凡三十柱

二十四年魏敗韓馬陵

箋按韓世家韓懿侯二年魏敗我馬陵正義曰在魏州元城縣

東南一里

二十五年穰庇帥師及鄭孔夜戰于梁赫鄭師敗逋

箋按

穰庇一本作穰庇從庇者考工記車人為耒庇鄭音

棘刺之刺從庇者漢書霍去病傳封雁庇為輝渠侯

顏師古音匹履反又一作穰其水經注渠水東至浚

儀縣東南逕大梁東南逕赤城北竹書梁惠成王二

十八年穰苴帥師及鄭孔夜戰于梁赫鄭師敗逋即

是城也朱謀瑋曰穰苴疑誤今本竹書作穰庇實皆

誤也据呂氏春秋無義篇曰秦惠王疑衛鞅之為人

欲加罪焉鞅以其私屬與母歸魏襄庇不受襄庇當

即是穰庇也又酈注赤城疑是茱城說

廓嬾真子云漢太守茱茱乃赫赫也

與齊田盼戰于馬陵

箋按田盼魏策作田盼丁度集韻
盼與盼同陳完世家魏伐趙趙與

韓親共擊魏趙不利戰于南梁韓氏請救于齊齊因起兵使田忌田嬰將孫子爲帥救韓趙以擊魏大敗之馬陵今据竹書田嬰誤當作田盼又按馬陵徐廣以爲在魏郡元城史記正義曰虞喜志林馬陵在濮州鄆城縣東北六十里有陵淵谷深峻可以置伏索隱曰孫子滅竈退軍三日行至馬陵大破魏軍當如虞說上云太子爲上將軍過外黃則從汴州外黃退至濮州東北六十里也時趙韓共擊魏戰南梁韓急請救于齊齊師走大梁敗魏馬陵豈合更渡河北至魏元城哉徐說定非也

二十七年五月齊田盼及宋人伐我東鄙圍平陽箋按地理

志山陽郡有南平陽縣水經注泗水又南過平陽縣西卽山陽郡之南平陽縣也竹書梁惠成王二十九

年齊田盼及宋人伐我東鄙圍平陽者也按魏收地形志高平郡有平陽縣二漢晉曰南平陽漢屬山陽

九月衛鞅伐我西鄙

箋按一本九月下有秦字藝文志商君二十九篇名鞅姬姓衛後也

秦本紀秦孝公二十九年衛鞅擊魏呂氏曰孝公取河西地蓋商鞅之力

十月邯鄲伐我北鄙

箋按國策蘇秦說魏王曰梁南與楚境西與韓境北與趙境東與齊

境卒戍四方守亭障者不下十萬又按地理志趙國邯鄲縣趙敬侯自中牟徙此後遂稱趙為邯鄲趙世家

家趙肅侯十一年趙伐魏

王攻衛鞅我師敗遁

箋按呂氏春秋無義篇公孫鞅為秦將而攻魏魏使公子卬當之卒

罷軍鞅使人謂公子曰願與公子坐而相去別也公子相與坐鞅因伏卒與車騎以取公子卬

二十八年城濟陽

箋按水經注濟水自武父城北東逕濟陽故城北竹書魏惠成王三年城

濟陽者也案當是二十八年地理通釋曰漢陳留郡濟陽縣唐省入宛句建隆四年為濟陽鎮

秦封衛鞅于鄆改名曰尙

箋按水經注斯浚水又東逕樂信縣故城南地理志鉅鹿

屬縣也又東入衡水衡水又北逕鄆縣故城東竹書

梁惠成王十三年秦封衛鞅于鄆改名曰商據此則

竹書改名曰尙尙即商也商君列傳衛鞅既破魏還

秦封之於商十五邑號曰商君於讀為烏古字通穆

天子傳於鵠與處即烏鵠是也於商二縣名正義曰

鄧州內鄉東七里古於邑商洛在商州東本商邑

二十九年邳遷于薛

箋按括地志故薛城古薛侯國也在徐州滕縣界左傳定元年薛宰

曰薛之皇祖奚仲居薛以為夏車正奚仲遷于邳仲

虺居薛以為湯左相則是邳先遷薛後遷邳至是而

又遷薛也索隱引紀年曰下邳遷于薛改名曰徐州

徐音舒洪容齋曰薛自奚仲受封歷夏商及周末始

為宋偃王所滅享國千

九百餘年傳六十四代

三月為大溝于北郭以行圃田之水

箋按水經注魏惠王三十一年為大

溝于北郭以行圃田之水陳留風俗傳曰縣北有浚水余謂故汴沙陰溝矣一統志圃田澤在中牟縣西北七里今為澤者八若東澤西澤之類為陂者三十有六若大灰小灰之類其實一也圃田大溝在尉氏縣西南十五里又有長明溝源出長葛縣界經尉氏縣西南匯為大陂東南與大溝合流一統志大溝又東北合康溝入河

三十年

三十一年秦蘇胡帥師伐鄭敗蘇胡于酸水

附注曰不知何年附

此○箋按秦胡蘇伐鄭見烈王二年此重出誤

三十二年

箋按稽古錄云秦惠王元年

三十三年鄭威侯與邯鄲圍襄陵

箋按韓世家韓昭侯卒子宣惠王立十一

年君號為王索隱曰紀年鄭昭侯武薨侯威侯立威侯七年與邯鄲圍襄陵是宣惠王即鄭威侯也漢志陳留襄邑縣師古曰圈稱云襄邑宋地本承匡襄陵鄉也宋襄公所葬故曰襄陵

三十四年魏惠成王三十六年改元稱一年箋按魏世家惠王三

十六年復與齊王會甄是年惠王卒索隱按紀年云惠王三十六年改元稱一年未卒也

王與諸侯會于徐州箋按魏世家惠王卒子襄王立襄元年與諸侯會徐州相王也追

尊父惠王為王又孟嘗君傳齊宣王九年田嬰相齊宣王與魏襄王會徐州而相王也楚威王間之怒田

嬰明年楚伐敗齊師于徐州皆誤以魏惠王改元之一年為襄王元年也稽古錄曰顯王三十五年魏後

元魏惠王齊威王會于徐州以相王與紀年合威王誤當作宣王

於越子無彊伐楚箋按越世家王無彊時越興師北伐齊西伐楚與中國爭彊當楚威王之

時越北伐齊威王使人說越王曰越不伐楚大不
王小不伯願大王之轉楚也於是越遂釋齊而伐楚
時蓋楚威王也

三十五年楚得吾帥師伐鄭圍綸氏

附注曰不知何年附此○箋按一本

師下有及秦字地理志綸氏縣屬潁川水經注伊水
逕當階縣西大狂水入焉水出陽城縣大善山又西
逕綸氏縣故城南竹書楚得吾帥師伐鄭圍綸氏者也

三十六年楚圍齊于徐州遂伐於越殺無彊

箋按越世家無彊伐

楚楚威王興兵伐之大敗越殺王無彊盡取故吳地
至浙江北破齊於徐州索隱曰案紀年越王無顓臈
後十年楚伐徐州無楚敗越殺無彊之語是無彊為
無顓之後紀年不得錄也今據竹書楚殺無彊之後
尙有四十六年而紀年乃終安得謂紀年不得錄乎
又吳越春秋無彊子玉玉子尊尊子親親失瑯琊為

楚所滅勾踐至王親歷八主稱霸二百二十四年而紀年止越無疆史記天官書越之亾熒惑守斗蓋是年事也蔡如松曰越王勾踐至無疆七世唐書世系表無疆子蹄更封于歐餘山陽

三十八年龍賈及秦師戰于雕陰我師敗逋

箋按地理志上郡雕

陰縣雕山在西北魏世家襄王五年秦敗我龍賈軍四萬五千于雕陰圍我焦曲沃予秦河西之地資治通鑑曰秦使犀首伐魏大敗其師四萬餘人禽將龍賈取雕陰然此時龍賈正未擒也秦本紀惠文王十年公子卬與魏戰虜其將龍賈豈有兩龍賈而兩被虜耶當依紀年云龍賈及秦師戰于雕陰我師敗逋是此時無擒龍賈事也又按蘇代曰龍賈之戰岸門之戰封陵之戰高商之戰趙莊之戰秦之所殺三晉之民數百萬今其生者皆死秦之孤也

王會鄭威侯于巫沙

箋按索隱曰紀年鄭威侯七年與邯鄲圍襄陵五月梁惠王會威侯

于巫沙今按鄭圍魏襄陵在顯王三十三年魏會鄭
巫沙在三十八年相距凡六年非威侯七年五月事
也

三十九年秦取我汾陰皮氏

箋按秦本紀惠文君八年魏納河西地九年渡河取

汾陰皮氏地理志汾陰皮氏並屬河東郡

四十年

四十一年秦歸我焦曲沃

箋按樛甘列傳秦惠王八年爵樛里子右更使將而伐曲

沃盡出其人取其城地入秦又按魏世家魏襄王五年秦圍我焦曲沃八年秦歸我焦曲沃据竹書則魏惠王後元之六年也水經注河水東逕湖縣故城北又南菑水注之西北逕曲沃城南諸著述者咸言曲沃在北此非也余按春秋文公十二年晉侯使詹嘉守桃林之塞處此以備秦以曲沃之官守之故曲沃

之名遂爲積古之傳矣河水又東得七里澗澗在陝
城西七里城卽虢邑之上陽虢仲之所都爲南虢其
大城中有小城故焦國也武王以封神農之後于此
括地志焦在陝城東百步因焦水爲名曲沃在陝州
縣西南三十二里因曲沃水爲名又按稽古錄顯王
四十一年秦公子華張儀伐魏取蒲陽儀言于惠王
復以子魏亦
是年事也

四十二年九鼎淪泗沒于淵

箋按秦本紀昭襄王五十一年西周君盡獻其邑三

十六城口三萬五十二年周民東亾其器九鼎入秦
漢郊祀志周赧王卒九鼎入于秦或曰周顯王四十
二年宋太亾社亾而鼎淪沒于泗水彭城下又漢吾
亾壽王曰昔秦始皇親出鼎于彭城而不能得則九
鼎淪沒于泗而未嘗入秦可知史記曰秦取九鼎寶
器而遷西周公子戩狐正義曰赧王十九年秦昭王
取九鼎一飛入泗水餘
入入於秦皆失實也

四十三年

箋按趙肅侯薨子雍立是為武靈王

四十四年

箋按稽古錄是年秦始皇稱王時惠王即位十三年也明年改為後元年

四十五年楚敗我襄陵

箋按楚世家懷王六年楚使上柱國昭陽將兵而攻魏破之于

襄陵得入邑郡國志河東襄陵縣晉武公自曲沃徙此括地志襄陵在晉州臨汾縣東南三十五里又按春秋書法詭道而勝之曰敗

四十六年

箋按稽古錄是年燕衛皆稱王趙武靈王獨不肯曰無其實敢有其名乎令國人謂已為

君

四十七年

箋按通鑑顯王四十七年秦張儀自齧桑還而免相相魏欲令魏先事秦而諸侯效之魏

王不聽

四十八年王陟

慎靚王

箋按周本紀顯王崩子慎靚王定立

元年辛丑秦取我曲沃平周

箋按地理志河東聞喜縣故曲沃晉武公自晉陽徙

此又西河有平周縣十三州志曰古平周在汾州介休縣西四十里魏世家襄王十三年秦取我曲沃平周今据竹書在慎靚王之元年魏惠王之後元十六年通鑑云在周顯王四十七年張儀相魏之年皆誤也

二年魏惠成王薨

箋按呂氏春秋開春篇梁惠死葬有日矣天大雨雪至牛目羣臣多諫太

子請弛期更日不許惠施曰昔王季歷葬渦山之尾繅水鬻其墓見棺前和文王曰諱先君必欲一見羣臣百姓也于是出而爲之張朝羣臣百姓皆見之而後更葬此文王之義也太子曰甚善敬弛期更擇葬

日又吳淑雪賦葬滕文而弛期注引孟子曰滕文公卒葬有日矣天大雨雪至牛目請弛期不許是孟子與滕文之譌

三年今王元年

箋按世本魏襄王名嗣惠成王子一名赫時作紀年者襄王時人故以為今王

又按史記作哀王据孟子見梁惠王之後即云見梁襄王趙岐注曰襄謚也魏之嗣王也是史記哀王為誤

四年

箋按魏王囚張儀以請成于秦張儀復歸相秦

五年

六年鄭使韓辰歸晉陽及向

箋按晉語曰襄王賜晉文南陽陽樊之田陽人不服

倉葛曰陽人未狎君德隱十一年傳注杜氏曰野王縣西南有陽城又十三州志軹縣南山西曲有故向

城地理通釋曰范睢傳秦昭王三十二年東伐韓少
曲高平拔之括地志高平故城在懷州河陽縣西北
四十里周桓王以予鄭韓滅
鄭有其地至是復歸之晉也

二月城陽向更名陽為河雍向為高平

箋按徐廣曰紀年云魏哀王二

十四年改宜陽曰河雍改向曰高平今據紀年但云
城陽向烏知為宜陽也況陽向並在河內其必非宜

陽明矣至以襄王為哀王承史遷誤又按周本紀慎
靚王立六年崩歲在丙午紀年不載王陟闕文也

隱王

附注曰史記作赧王名延蓋赧隱聲相近○箋按
皇甫謐曰赧王名誕赧非謚法無赧正以微弱

竊鈇逃債赧然故名曰赧耳又漢書諸侯王表自幽
平之後日以陵夷分為二周有逃債之臺被竊鈇之

言服虔曰周赧王負債無以歸之主迫責急乃逃于
此臺後人因以名之劉德曰洛陽南宮諺臺是也

元年丁未

鄭宣王來朝

附注曰梁○箋按來朝朝梁也韓世家宣惠王即鄭威侯十一年始號為王索隱曰

紀年鄭威侯七年五月梁惠王會威侯于巫沙十月

鄭宣王來朝今據紀年魏惠王與威侯會巫沙在顯

襄王三十八年鄭宣王來朝在赧王二年當魏

襄王之五年相距凡十有七年是索隱誤也

燕子之殺公子平不克

箋按燕世家燕王噲立大信子之鹿毛壽謂燕王不如以國讓

子之子之南面行王事三年國大亂將軍市被與太

子平謀將攻子之不克因搆難數月眾人恟恐齊因

伐燕大勝燕年表云君噲及太子皆死据竹

書云燕子之殺公子平不克是年表誤也

齊師殺子之醢其身

箋按燕世家齊大勝燕子之亾二年燕人共立太子平是為燕昭王

索隱曰案年表云噲及太子相子之皆死紀年又云

子之殺公子平今此云立太子平是為燕昭王則年

表紀年為謬也然紀年謂燕子之殺公子平不克索

隱遺不克字而云殺公子平何謬也裴駟案汲冢紀

年擒子之而醢其身與此正同又齊人伐燕孟子以爲宣王時史記六國表燕王噲及子之死在湣王十年溫公稽古錄据竹書紀年周顯王三十七年爲齊宣王之元年則隱王元年爲齊宣王十九年是年齊師殺子之與孟子合孟子慎靚王三年見梁襄王而去梁之齊纔三四年則正齊宣王十八九年國策載儲子謂宣王宜仆燕正儲子爲相時也王令章子將兵以伐燕正孟子與遊時也朱子据史記以梁惠王三十五年孟軻至梁不審其至梁在惠王改元之未年當在慎靚王一二年閒而轉疑溫公通鑑以伐燕在宣王十九年孟子去齊已久安得見其取之復畔也因云未詳所據大事記以赧王元年孟子致爲臣于齊則紀年實與孟子合也

二年齊地景長丈餘高一尺

箋按赧王元年齊潛王地元年也周髀算經陳子曰

夏至南萬六千里冬至南十三萬五千里日中立竿測景周髀長八尺易氏祓曰夏至日在南陸躔東井

去極六十六度有奇而景尺有五寸冬至日在北陸
躔牽牛去極一百六十度有奇而景丈有三尺春分
日在西陸躔於婁秋分日在東陸躔於角去極九十
一度有奇而其景均焉今齊地景長隋史袁充奏隋
興已後日景漸長亦是類也淮南子
曰景修則陰氣勝景短則陽氣勝

魏以張儀為相

箋按呂氏春秋曰張儀魏氏餘子也高誘曰大夫庶子為餘齊策犀首以梁戰

于承筐而不勝張儀謂梁王不用臣言以危國王因相儀魏世家襄王十三年張儀相魏魏有女子化為

三年韓明帥師伐襄王

箋按水經注濮渠水東逕須城北衛詩云思須與曹也又北逕

襄王亨南竹書襄王七年韓明帥師伐襄王据稽古錄赧王四年韓襄王倉元則七年當是元年之譌較

竹書少

一年

秦王來見于蒲坂關

箋按秦本紀惠文王後元三年張儀相魏五年王遊至北河則此時

道經蒲坂故襄王見于蒲坂關也地理志河東蒲坂故曰蒲秦更名應劭曰秦始皇東巡見反云今按紀

年作長坂已在始皇前也

四月越王使公師隅來獻舟三百箭五百萬及犀角象

齒

箋按越世家楚威王興兵伐越殺王無疆而越以此散諸族子爭立或為王或為君濱于江南海上据竹

書周顯王三十六年越無疆為楚所滅又十二年顯王陟慎覬王立六年陟赧王三年越人來獻舟三百

距無疆滅二十一年矣是此越王者必無疆之子若孫也水經注引紀年曰越王使公師隅來獻乘舟始

罔及舟三百箭五百萬與今本小異說文象長鼻牙南越之大獸三歲一乳又字說象齒感雷莫之為而

文生通雅象大者六牙爾雅九府南方之美者有梁山之犀象焉交州記犀有二角鼻上角長額上角短

或曰三角者水犀也二角者山犀也埤雅曰南人以象牙為白暗犀角為黑暗言難別也杜詩黑暗通蠻貨

五月張儀卒

箋按魏世家襄王五年子秦河西地戰國策摎留謂韓王曰魏兩用犀首張儀而西

河之外儀卒在襄王七年史記云十年誤及稽古

錄曰周赧王五年秦武王元張儀與秦武有隙乃去

秦相魏遂卒于魏据竹書儀

卒在赧王三年非五年也

四年翟章伐衛

箋按舊本作四月誤魏世家魏哀王八年伐衛拔列城二衛君患之如耳見衛

君曰請罷魏兵免成陵君可乎衛君曰先生果能孤

請世世以衛事先生据紀年正襄王八年事云哀王

誤伐衛事在

衛嗣君八年

魏敗趙將韓舉

箋按韓世家宣惠王八年魏敗我將韓舉索隱曰案此則舉是韓將不疑而紀

年云韓舉趙將蓋舉本趙將後入韓也今據竹書韓趙各有一韓舉非一人先在趙而後入韓也先時齊田盼戰于平邑獲邯鄲韓舉當威烈王十四年後十年王陟歷安王二十年烈王七年顯王四十八年慎觀王六年又加隱王三年相距凡九十四年魏復敗韓舉豈仍爲一人乎又按韓世家文侯七年伐齊至桑上趙世家肅侯二十三年韓舉與齊魏戰死于桑上則趙之韓舉死矣此當是鄭將如韓世家之所說不得云趙將也又按地理志秦山郡有棗止則桑乃棗之譌

五年洛入成周山水大出

箋按水經注周書稱周公將致政乃作大邑成周于中土

南繫于洛水竹書魏襄王九年洛入成周

六年十月大霖雨疾風河水酸棗

箋按爾雅久雨謂之淫淫雨謂之霖春秋

隱九年三月癸酉大雨霖以震是也述異記曰耆舊說周秦間河南雨小棗遂生野棗今酸棗縣是也郡

國志酸棗即鄭廩延之地水經注濮水出酸棗縣首
受河竹書魏襄王十年十月大霖雨疾風河水溢酸
棗郭括地志酸棗故城在
滑州酸棗縣北十五里

楚庶章帥師來會我次于襄止

箋按莊公三年傳凡師一宿為舍再宿為信過

信為次

七年翟章救鄭次于南屈

附注曰此年未的。箋按晉語驪姬賂二五使言于公曰

蒲與二屈君之疆也韋昭曰二屈屈有南北今河東有北屈則是時復有南屈地理志北屈縣注應劭曰有南故稱北臣瓚曰汲郡古文翟章救鄭至于南屈又按春秋提要曰伐而書次其次為善伐楚次陸是也救而書次其次為貶聶北救邢是也

八年秦公孫爰帥師伐我皮氏

箋按鄂甘列傳秦昭王元年鄂里子將伐蒲胡

衍爲蒲謂鄆里子曰夫衛之所以爲衛者以蒲也今
伐蒲入于衛衛必折而從之害秦而利衛王必罪公
於是遂解蒲而去還擊皮氏按皮氏古國名見周穆
王太史戎夫記括地志皮氏在絳州龍門縣西北三
十里

翟章帥師救皮氏圍疾西風

箋按魏策曰秦楚攻魏皮氏魏太子在楚謂樓子于

鄆陵曰公必且待齊楚之合也以救皮氏今齊楚之
理必不合矣乃謂樗里子曰攻皮氏此王之首事也
而不能拔天下且以此輕秦且有此皮氏于以攻韃
魏利也樗里子曰吾已合魏矣無所用之魏世家秦
來伐我皮氏未拔
而解是其事也

九年城皮氏

箋按周顯王三十九年秦取魏汾陰皮氏
時皮氏屬秦二十四年矣至是魏復據皮

氏故秦圍之卒解圍未
拔而去故襄王城之

十年

十一年

十二年秦拔我蒲坂晉陽封谷

箋按括地志蒲城在蒲州河東二里晉陽故城

在蒲州虞鄉縣西史記正義曰封陵在古蒲坂縣西南河曲之中蓋近平陽地也秦本紀秦昭襄王十一年

齊韓魏趙宋中山共攻秦秦與韓魏河北及封陵以和蘇秦列傳秦正告魏曰我下軹道南陽封冀索

隱曰封封陵也魏世家秦伐我蒲坂晉陽封陵紀年封谷即封陵也

十三年邯鄲命吏大夫奴遷于九原

箋按地理志五原郡有九原縣史記

索隱曰秦曰九原漢武帝改五原郡郡縣志五原謂龍遊原乞地干原青嶺原崑崙正原橫槽原又曰敬

本古城在中受降城北四十里賈耽古今述曰以地理求之前代九原郡城也方輿紀要曰九原今榆林

衛西北七百餘里廢豐州境是一統志九原縣在大同府西北四百二十里奴與孛同趙策腹擊對主父曰臣羈旅也宮室小而孛不眾是孛遷之證也

將軍大夫適子代史皆貂服箋按韓非子初見秦曰代

地居常山之北與夷狄邊趙乃從山南有之趙世家

武靈王封長子章為代安陽君則代史謂安陽君史

也將軍大夫適子水經注引紀年作大吏趙世家趙

武靈王十九年春正月大朝信宮遂之代北至無窮

西至河登黃華之上召樓緩謀曰吾欲胡服使王縹

告公子成寡人胡服將以朝也乃賜胡服明日服而

朝趙策牛進諫武靈王曰昔先君襄王與代交地城

境封之名曰無窮之門所以昭後而期遠也水經注

隆慮縣有黃水出于神囷山黃華谷北崖劉劭趙都

賦置酒乎黃華之館蓋謂此也淮南子主術訓曰趙

武靈王貝帶鷄鷩而朝趙國化之高誘注武靈王以

大貝飾帶胡服鷄鷩讀曰私鉗二字三音曰郭洛帶

係鈔鎬也貂胡產也史記貨殖傳狐貂裘千皮說文貂鼠屬大而黃黑出胡丁零國通典俞祐國少牛馬多貂鼠徐廣曰北方寒以貂皮煖額附施于冠因爲首飾

十四年

十五年薛侯來會王子釜

釜按索隱曰紀年以為梁惠王後元十三年四月齊

威王封田嬰于薛十月齊城薛十四年薛子嬰來朝則此會王釜正者蓋田嬰也水經注曰地理志定陶有陶正墨子以為釜正也竹書魏襄王十九年薛侯來會王子釜正者也又釜正一本作答正誤

楚入雍氏楚人敗

箋按楚兩圍雍氏一在赧王三年一在赧王十五年周策曰雍氏之役韓

徵粟與甲於周蘇代說韓相公仲不徵甲與粟於周楚卒不拔雍氏而去蓋赧王三年事也大事記曰韓襄王十二年太子嬰死公子咎公子蟻爭為太子時蟻蝨質於楚楚欲內之遂圍雍氏史記甘茂傳楚

懷王以兵圍韓雍氏韓使公仲侈告急於秦秦昭王
新立太后楚人不肯救甘茂言於秦昭王王乃下師
於穀以救韓楚兵去徐廣曰紀年於此亦說楚景翠
圍雍氏韓宣王卒秦助韓共敗楚屈丐此蓋赧王十
五年事也韓世家以景翠之圍在三年誤矣郡國志
潁川陽翟有雍氏城括地志故雍氏城在洛州陽翟
縣東北二十六里羅泌路史曰雍氏城在冀州堂陽
縣東北三十六里羅莘注曰杜云陽翟東北有雍氏
城者非此又羅氏之誤也

十六年與齊王會于韓

箋按前年有楚師之圍今又有
公子爭立之釁故魏齊二王會

韓以安
定之

今王終二十年

箋按和嶠曰紀年起於黃帝終於
魏之今王今王者魏惠成王之子

竹書紀年雜述

當塗徐文靖位山彙輯

同里

馬陽葵齋
崔萬烜郁岑

校訂

晉書束皙傳初太康二年汲郡人不準盜發魏襄王墓
或言安釐王冢得竹書數十車其紀年十三篇記夏以
來至周幽王為犬戎所滅以事接之三家分仍述魏事
至安釐王之二十年蓋魏國之史書大略與春秋皆多
相應其中經傳大異則云夏年多殷益干啟位啟殺之
太甲殺伊尹文丁殺季歷自周受命至穆王百年非穆

王壽百歲也幽王既亡有共伯和者攝行天子事非二

相共和也

按幽王當作厲王共伯國即今之輝縣也

其易經二篇與周易上

下經同易繇陰陽卦二篇與周易略同繇辭則異卦下

易經一篇似說卦而異公孫段二篇公孫段與邵陟論

易國語三篇言楚晉事名三篇似禮記又似爾雅論語

師春一篇書左傳諸卜筮師春似是造書者姓名也瑣

語十一篇諸國卜夢妖怪相書也梁丘藏一篇先敘魏

之世數次言丘藏金玉事繳書二篇論弋射法庄封一

篇帝王所封大歷二篇鄒子談天類也穆天子傳五篇

言周穆王游行四海見帝臺西王母圖詩一篇畫贊之

屬也又雜書十九篇周食田法周書論楚事周穆王美

人盛姬死事大凡七十五篇七篇簡書折壞不識名題

冢中又得銅劍一枚長二尺五寸漆書皆科斗字初發

冢者燒策照取寶物及官收之多燼簡斷札文既殘缺

不復詮次武帝以其書付祕書校綴次第尋考指歸而

以今文寫之皆在著作得觀竹書隨疑分釋皆有義證

遷尙書郎

按束皙傳云紀年述魏事至安釐王二十年蓋因史記誤以魏惠王後元年爲哀王元年

也是當從孟子惠王之後卽爲

襄王紀年終襄王二十年也

王接傳時祕書丞衛恒考正汲冢書未訖而遭難佐著作郎束皙述而成之事多證異義時東萊太守陳留王庭堅難之亦有證據皙又釋難而庭堅已亡散騎侍郎潘滔謂接曰卿才學理議足解二子之紛可試論之接遂詳其得失摯虞謝衡皆博物多聞咸以爲允當

荀勗傳乃得汲冢中古文竹書詔勗撰次之以爲中經列在祕書荀又嘗敘穆傳曰古文穆天子傳者太康二年汲縣民不準盜發古冢所得書也皆竹簡素絲編以臣勗前所考定古尺度其簡長二尺四寸以墨書一

簡四十字汲者戰國時魏地也案所得紀年蓋魏惠成
王子令王之冢也於世本蓋襄王也案史記六國年表
自令王二十一年至秦始皇三十四年燔書之歲八十
六年及至太康二年初得此書凡五百七十九年

按令王當

作今王時作書者梁襄王時人書終于襄王未卒之時故曰今王庾開府滕王道序魯壁魏墳倪注云郭璞穆天子傳曰所得紀年蓋魏惠成王令王之冢仍以今譌為令又所引穆傳序文皆荀勗語倪以為郭氏亦誤

劉知幾史通曰竹書紀年出於晉代學者始知后啟殺
益太甲誅伊尹文王殺季歷鄭桓公厲王之子則與經

典所載乖刺甚多李氏維禎曰羣書蕪穢典訓凌遲殺益誅尹猶曰頗刑季歷之弑古今大惡而以之污衊至

聖不憂舌過鼻乎

按紀年文丁紂祖父也囚季歷于塞庫季歷困而死故曰文丁殺季歷文

丁史記作太丁竹書未出世不知有文丁事故誤以文丁為文王也知幾知紀年出于晉代而猶不知文

王為文丁殆得之傳聞其實未見竹書也

杜預左氏傳集解後序曰汲郡汲縣有發舊冢者大得

古書周易上下篇與今正同別有陰陽說而無彖象文

言繫辭疑是時仲尼造之于魯而未播之于遠國也

隋經籍志曰晉太康元年汲郡人發魏襄王冢得古竹

簡書字皆科斗發冢者不以爲意往往散亂帝命中書
監荀勗令和嶠撰次爲十五部八十七卷多雜碎怪妄
不可訓知惟周易紀年最爲分了其周易上下篇與今
正同紀年皆用夏正建寅之月爲歲首起自夏殷周三
代王事無諸侯國別唯特紀晉國起自殤叔次文侯昭
侯以至曲沃莊伯盡晉國滅獨記魏事下至魏哀王謂
之今王蓋魏國之史記也其著書皆編年相次文意大
似春秋經諸所記事多與春秋左氏扶同學者因之以
爲春秋則古史記之正法有所著述多依春秋之體今

依其世代編而敘之以見作者之別謂之古史

按竹書紀年魏

惠王三十六年改元稱一年是年王與諸侯會徐州

後十五年乃卒史記魏世家魏襄王元年與諸侯會

徐州蓋誤以惠王後元一年為襄王之元年也因誤

以後十五年所卒為襄王而以紀年所稱今王為哀

王隋志云哀王謂之今王又因史記而誤

魏酈道元注水經河水注引紀年十汾水注引紀年三

汲郡古文一澮水注引紀年三古文瑣語一濟水注引

紀年十二涑水注引紀年四洞渦水注引紀年一清水

注引紀年一沁水注引紀年四淇水注引紀年四濁漳

水注引紀年七滹水注引紀年二巨馬河水注引紀年

一洛水注引紀年三伊水注引紀年二丹水注引紀年
二汝水注引汲冢古文一紀年一潁水注引紀年一渠
水注引紀年七汲郡古文一瓠子河注引紀年一泗水
注引紀年三巨洋水注引汲郡古文一汶水注引紀年
二粉水注引紀年一淮水注引紀年二青衣水注引紀
年一合計所引竹書紀年者七十有六

晉書儒林傳續咸字孝宗上黨人也傳春秋鄭氏易爲
東安太守著遠游志異物志汲冢古文釋皆十卷行于

世

戰國策田華之為陳軫說秦惠王曰夫晉獻公欲伐郭
 而憚舟之僑存荀息曰周書有言美女破舌乃遺之女
 樂以亂其政又欲伐虞而憚宮之奇存荀息曰周書有
 言美男破老乃遺之美男教之惡宮之奇吳師道注曰
 汲冢周書美男破老美女破舌武之毀也注云所以毀

敵也按美男破老美女破舌見汲冢書武稱篇郭古虢字見國策高誘注

廣川書跋曰祕閣至味舊鼎其銘曰宋公緜餼鼎少監
 羅疇摹其欵識以問廣川董某曰宋世家無公諱緜者
 豈宋自為謚或以菜地舉耶某曰周初惟二王後稱公

而微子啟實封于宋宋非畿內地且不為諡其曰宋公
果商嗣也竹書有宋景公繚而史為頭曼孫炎以繚為
頭曼合聲以辨周秦之語今考班固漢書猶有兜繚蓋
亦著其聲如此按此言竹書有宋公繚見汲冢師春書
漢書作兜繚見古今人表又彝器有繚

女鼎微繚鼎
字皆作繚

史記晉世家注引紀年四宋微子世家注引紀年二衛
康叔世家注引紀年一燕世家注引紀年五魯周公世
家注引紀年一魏世家注引紀年十五趙世家注引紀
年一越世家注引紀年七田完世家注引紀年六韓世

家注引紀年五孟嘗君列傳注引紀年四唐開元占經
引紀年曰帝辛受時周大瞋惠成王元年晝晦十六年
邯鄲四瞋室多壞晉定公二十五年西山女子化爲丈

夫與之妻能生子今王四年碧陽君之諸御產二龍今本

無按呂氏春秋慎勢篇齊簡公有臣曰諸御鞅史記
越世家諸御千人伐吳索隱曰諸御謂理事之官在
軍有職掌者

水經注引竹書紀年曰晉出公六年晉荀瑤城宅陽又

梁惠成王元年鄴師邯鄲師于平陽今本無

黃伯思東觀餘論云案晉太康二年汲郡民不準盜發

魏襄王家得古竹書凡七十五篇晉征南將軍杜預云別有一卷純集左氏傳卜筮事上下次第及其文義皆與左傳同名曰師春師春似是鈔集人名也今觀中祕所藏師春乃與預說全異預云全集卜筮事而此乃記諸國世次及十二公歲星所在并律呂謚法等末乃書易象變卦又非專載左氏傳卜筮事繇是知此非預所見師春之全也然預記汲冢他書中有易陰陽說而無象繫又有紀年三代并晉魏事疑今師春蓋後人雜鈔紀年篇耳然預云紀年起自夏商周而此自唐虞以降

皆錄之預云紀年皆三代王事無諸國別而此皆有諸

國預云紀年特記晉國起殤叔次文侯昭侯而此記晉

國世次自唐叔始是三者又與紀年異矣及觀其紀歲

星事有杜征南洞曉陰陽之語繇是知此書亦西晉人

集錄而未必盡出汲冢也

今據梁沈約附注定本紀年起黃帝終魏襄王二十年又

晉荀勗曰和嶠云紀年起自黃帝終于魏之今王今王者魏惠成王子是又不起于唐虞也伯思雖見宋

祕書所藏紀年猶未審也

漢書地理志注扶風栒邑瓚引汲郡古文晉武公滅荀

文公城荀河南開封瓚引汲郡古文梁惠王發逢忌之

藪以賜民潁川父城應鄉古國周武王弟所封瓚引汲郡古文殷時已自有應國河東北屈瓚引汲郡古文翟章救鄭至于南屈北海平壽瓚引汲郡古文太康居埒尋羿亦居之桀亦居之

按所引汲郡古文皆紀年文也臣瓚薛姓資治通鑑晉穆帝永和八年稱太原薛瓚即是人也時

竹書已出故瓚引紀年以釋史也

方氏通雅曰汲冢楚冢今不能分故有瑣語亂竹書之疑也書史云太康三年汲郡人不準盜魏襄王墓或言安釐王竹書數十車漆書科斗武帝以付東晉隨疑分釋皆有義證又廣川書跋太公廟碑今在衛州其縣晉

太康十年立碑曰太公望者此縣人太康二年縣之西
偏有盜發冢而得竹策之書書藏之年當秦坑儒之前
八十六歲其周志曰文王夢天帝服玄襪以立於令狐
之津許氏說文無此字惟曰漢令解衣耕謂之襄而衛
宏字說與郭昭卿字指則有之知許慎所遺古文衆矣
昭卿因宏以有記非得是碑豈知宏之爲有據哉晉紀
言咸寧五年盜發汲郡冢與此碑太康二年異知史誤
也胡元瑞據武帝咸寧五年譏升菴太康安釐之誤直
未見廣川書跋與書史耶若淮海題跋言太康元年盜

發魏襄冢則少游誤記也不準姓音彪陳鉅昌原治篇

引作卞準非少游又言齊文惠太子為雍州時盜發楚

王冢得竹簡書青絲綸簡廣數分長二尺皮節如新王

僧虔謂是科斗書記周官所闕文則皆倉頡遺法也法

書苑則言楚昭王墓在習池北南齊建元中盜發冢得

古竹簡沈約得數篇示劉繪曰周禮逸文也智按南齊

之雍州即襄陽此二條正是一事按南史王僧虔傳齊文惠太子鎮雍州有

盜發古冢者相傳云是楚王冢大獲寶物玉履玉屏

風竹簡書青絲綸簡廣數分長二尺皮節如新有十餘簡以示僧虔云是科斗書考工記周禮所闕文也

廣川書跋曰亞駝王存又以亞為烏古文駝作馳周禮其川滹池池故沱也烏池在周為漚夷水起北地東入河顧野王考其地在靈正竹書紀年穆公十一年取靈

正今本無

陳明卿四書考曰竹書紀年外丙名勝不書陟年仲壬名庸四年陟而外丙遞至仲壬其間又有小庚小甲雍

己太戊四君絕與孟子不合

今按坊刻沈休文附注舊本誤于外丙元年後係以

小庚五年小甲十七年雍己十二年太戊三十五年作寅車之後即繼之曰二年陟其為外丙之陟年何疑陳氏謂其與孟子絕不相合是亦考之不詳耳余依史遷殷本紀序次甲子元歷校訂之其實絲毫不

爽後又見漢魏叢書所刻有汲冢周書竹書紀年一
一校訂無訛近刻秘書二十一種者尙仍舊本之誤
則亦未較正漢
魏叢書故也

秦本紀孝公二十四年與晉戰鴈門索隱按紀年云與

魏戰岸門

今本無

穆傳天子北征于犬戎注引紀年曰取其五王以東天
子賓于西王母注引紀年曰穆王十七年西征昆侖
爰有碩鳥物羽注引紀年曰行積羽千里乃里西土之
數注引紀年曰穆王西征還里天下億有九萬里丁酉
天子入于南鄭注引紀年曰穆王元年築祗宮于南鄭

留昆歸玉百枚注留昆國見紀年

按在穆王十五年

天子飲于溫山口考鳥注引紀年曰穆王見西王母西

王母止之曰有鳥鵠人

無今本

史記孟嘗君列傳魏惠王會宣王東阿南索隱按紀年

云惠王後元十一年會平阿十三年會齊威王于甄

今本

無

田完世家齊威王三十三年殺其大夫牟辛索隱曰

徐廣及年表竝作夫人王邵按紀年云齊桓公十年弑

其君母宣王八年殺其王后

無今本

文選吳都賦注引汲郡地中古文冊書曰桀築傾宮飾

瑤臺紂作瓊室立玉門班叔皮北征賦注引汲郡古文
曰晉武公滅荀以賜大夫原氏黯木華海賦注引紀年
曰周穆三十七年征伐大起九師東至于九江叱鼃鼉
以爲梁賢良詔注引紀年曰成康之際天下安寧刑措
四十年不用陸士衡豪士賦注引紀年曰太甲潛出自
桐殺伊尹

唐藝文志紀年十四卷汲冢書又古文瑣語四卷汲冢
周書十卷孔晁注周書八卷

張南軒著經世紀年二卷自敘曰太史遷作十二國世

表始紀甲子起於成周共和庚申之歲庚申而上則莫紀焉歷世浸遠其事雜見於諸書靡適折衷則亦傳疑而已本朝嘉祐中康節邵先生雍出於河南窮往知來精極於數作皇極經世書上稽唐堯受命甲辰之元爲編年譜如云外丙仲壬之紀康節以數知之乃合於尙書成湯旣沒太甲元年之說成湯之後蓋實傳孫孟子所說特以太丁未立而卒方是時外丙生二年仲壬生四年耳又正武王伐商之年蓋武王嗣位十一年矣故書序稱十有一年而復稱十有三年者字之誤也是類

皆自史遷以來傳習之謬一旦使學者曉然其真萬世
不可改者也某不自揆輒因先生之歷考自堯甲辰至
皇上乾道改元之歲凡三千五百二十有二年列爲六
圖命之曰經世紀年以便觀覽間有鄙見則因而明之
其大節目有六如孟子謂堯舜三年之喪畢舜禹避堯
舜之子而天下歸之然後踐天子位此乃見帝王奉天
命之大旨其可闡而弗彰故於甲申書服堯之喪乙酉
書踐位之實丙戌書元載格于文祖自乙酉至丁巳是
踐位三十有三載也則書薦禹於天與尙書命禹之辭

合至癸酉是薦禹十有七年也與孟子之說合於禹受命之際書法亦然然而書稱舜在位五十載陟方乃死則是史官自堯崩之明年通數之耳夏后相二十有八載寒浞弑相明年少康始生于有仍氏凡四十年而後祀夏配天不失舊物寒浞豈可使間有夏之統故缺此四十載不書獨書少康出處而紀元載於復國之歲以見少康四十年經營宗祀絕而復續足以爲萬代中興之冠冕此皆節目之大者其他如夏以上稱歲商稱祀周始稱年皆攷之書可見而周書洪範獨稱祀者是武

王不欲臣箕子尙存商歷箕子之志也

按竹書堯元年實丙子非甲辰

堯在位百年以乙卯陟非甲申舜避堯之子三年喪畢乃踐位舜元年己未非丙戌五十年陟方乃死則庚午也禹避舜之子三年喪畢乃踐位禹元年壬子是也舜薦禹十有七年據竹書則舜卽位三十三年春正月夏后受命于神宗是至五十年帝陟十七年也歲在戊辰非癸酉邵氏測之以數而無所攷據宋儒皆依之而不敢改遂羣致斯謬也

陳氏讀書攷曰經世紀年廣漢張欽夫用皇極經世譜編其言邵氏以數推知去外丙仲壬之年乃合於尙書成湯既沒太甲元年之說今按孔氏正義謂劉向班固不見古文謬從史記而張衡通載乃云以紀年推之外

竹書紀年
三
丙仲壬合於歲次尙書殘缺而正義之說誤蓋三代而上帝王歷年遠而難攷類如此

朱子文集曰聞此間有竹書紀年須借讀半年方得爾雅注引竹書紀年曰北唐之君來見驪馬是生綠耳又引逸周書曰文韞若彩鷄成王時蜀人獻之邢昺曰云逸周書曰者今所謂汲冢周書也

吳岩李氏曰汲冢周書隋唐經籍藝文志皆稱此書得之晉太康中汲郡魏安釐王冢孔晁注解或稱十卷或八卷大抵不殊按此則晉以前初未有此也然劉向班

固所錄並著周書七十一篇且謂孔子刪削之餘而司馬遷記武王克殷事蓋與此合豈西漢世已得入中祕其後稍隱學者不道及盜發冢乃幸復出耶篇目比漢但闕一耳必班劉司馬所見者也繫之汲冢失其本矣書多駁辭宜孔子所不取抑戰國處士私相綴續託周爲名孔子亦未必見章句或脫爛難讀更須考求別加

是正云

按晉荀勗校定穆天子傳云案所得紀年蓋魏惠成王子今王之冢也於世本蓋襄王也而坊

本竹書誤以今王爲今王矣又按和嶠曰竹書紀年起自黃帝終於魏之今王今王者魏惠成王之子時襄王未薨故稱今王明年王卒而此書及紀年並殉葬冢中故襄王不得稱諡若安釐王冢去襄王五十

三年而卒是蓋為襄王之孫安得無襄王二十一年事乎隋唐諸志皆誤

王弇州四部稿曰竹書紀年云后桀命扁伐岷山氏岷

山氏女於桀二人曰琬曰琰桀愛之斲其名于苕華之

玉又云棄其元妃於洛曰妹喜氏以與伊尹交遂以夏

亡則妹喜以棄而亡國非以嬖而亡國也按竹書原本無以與伊尹

交遂以夏亡二句元美乃率意增之以國語有妹喜與伊尹比而亡夏句也讀者不可不知

傳暢晉諸公讚曰荀勗領祕書監太康二年汲郡冢中

得竹書勗躬自撰次注寫以為中經列於祕書經傳闕

文多於證明

孫奭孟子疏曰汲冢紀年梁惠成王九年四月甲寅徙

都大梁

今据竹書是六年漢書高祖紀臣瓚引汲郡古文魏惠王六年自安邑遷于大梁與今本合

焦氏筆乘曰和嶠竹書紀年沈約注稱舜父母憎舜使其塗廩自下焚之舜服鳥工衣服飛去又使浚井自上填之以石舜服龍工衣自旁而出不知何據以此見紀年低一字者皆沈約注也世以爲竹書本文大謬

顧寧人日知錄曰据紀年周慎靚王之二年而魏惠卒其明年爲魏襄王之元年又二年燕王噲讓國於其相子之又二年齊人伐燕取之又二年燕人畔而孟子之

書先梁後齊其事皆合然孟子在二國皆不久書中齊事特多又嘗為卿于齊當有四五年若適梁在惠王之末而襄王立即行故梁事不多謂孟子以惠王三十五年

年至梁者誤以惠王後元年為襄王之元年也

按紀年顯王三

十四年為魏惠之三十六年改元稱一年顯王在位四十八年陟又慎靚王嗣立二年魏惠王薨明年襄王立若孟子以魏惠王三十六年至梁則見梁襄王之時當在梁十五六年何絕無他事可見史記誤以惠王後元年為梁襄王元年也而朱子集傳因之

胡應麟筆叢曰汲冢四書皆史也紀年春秋也周書尙書也穆天子傳起居注也盛姬錄逸事家也

廣川書跋太公碑引紀年曰康王六年齊太公卒蓋壽

一百一十餘歲

按紀年西伯得呂尚在商紂三十一年時太公年八十矣後又二十二年而紂

亡又六年而武王陟又三十七年而成王陟又康王六年而齊太公卒壽百五十有一

春秋後傳曰惟王者改元諸侯改元自汾王以前未有

也竹書紀晉國起自殤叔次文侯昭侯以至曲沃莊伯

皆用夏正建寅之月

按竹書帝顓頊十三年初作歷象唐大衍日度議曰顓頊歷上元甲

寅辰初合朔立春七曜皆值長維之首是紀年起黃帝至戰國皆用建寅之月為歲首非謂晉始改用寅

也

王山史撰山志引閻百詩曰史記六國表魏世家皆云

惠王在位三十六年始辛亥終丙戌襄王十六年始丁亥終壬寅哀王二十三年始癸卯終乙丑竹書紀年則以襄王十六年上繫於惠成王以爲其改元後之年而自癸卯以後紀二十年事謂之今王今王者杜預以爲哀王是也是竹書紀年有哀王而無襄王史記有襄王又有哀王世本則又有襄王而無哀王通鑑從竹書紀年而不從史記故以惠王在位凡五十二年始辛亥終壬寅又不從杜預所云之哀王而從世本所有之襄王故以襄王在位爲二十三年始癸卯終乙丑今愚以孟

子證之史記爲近是何也魏世家云惠王三十一年辛巳徙都大梁三十五年乙酉卑禮厚幣以招賢者孟軻等至梁故六國表於三十五年特書曰孟子來三十六年丙戌惠王卒子嗣立是爲襄王孟子入而見王出而有不似人君之語必如通鑑五十二年始惠卒而襄立孟子入見豈孟子竟久淹於梁如是耶不然以襄王之庸豈能以禮聘孟子而復至梁耶朱子曰七篇之中無更與襄王言者蓋孟子不特不久於梁亦生平未嘗復至梁也史記所以可信也或曰竹書紀年彼旣魏史所

書魏事必得其真故司馬公從之曰不然惠成王九年
四月甲寅徙都大梁不知是年秦孝公始立衛公孫鞅
未相魏公子卬未虜地不割秦不偪魏何遽徙都以避
之耶卽一徙都事如此尙謂其生卒年月盡可信耶又
按六國表魏世家皆云子罃生於魏文侯二十五年辛
巳三十八年文侯卒武侯立凡十六年而後惠王立是
年已三十矣如紀年文侯五十年卒武侯二十六年卒
以生辛巳計之惠王元年已五十三立三十六年卒已
八十八更以襄王十六年爲改元後之年不一百有四

歲乎紀年之不可信如此

按竹書考王元年辛丑魏文侯立考王十五年陟子威烈

王嗣二十四年陟子安王嗣安王十五年甲午魏文

侯卒是文侯在位五十四年史記六國表及魏世家

皆云子罃生於魏文侯二十五年辛巳三十八年文

侯卒較竹書則文侯在位少十六年也且文侯元年

辛丑則二十五年乙丑不得為辛巳也安王十六年

乙未魏武侯元年烈王五年庚戌武侯卒在位十四

年無二十六年明年辛亥梁惠王立至周顯王三十

四年為梁惠王三十六年梁復改元稱一年又十六

年為慎靚王之二年梁惠王薨其在位五十一一年計

生時值祖文侯二十五年則在位時四十三歲矣又

加五十一一年其九十四歲安得一百有四歲乎若依

史記魏世家惠王之後有哀王竹書今王即哀王何

孟子見梁惠王之後即云見梁襄王無所謂哀王乎

晉和嶠謂竹書今王者梁惠王子是也時紀年終襄

王二十年襄王猶未薨無諡可紀故曰今王後世臣

下稱上曰今上亦猶是也此竹書所

信者與孟子

合與世本亦合亦可見孟子至梁當在惠王改元之十四五年其在梁無幾見襄王之後卽去之齊司馬溫公作通鑑乃宗是說有以也山志引杜預說哀王爲今王是亦仍史記年表之誤而轉以宜信者爲不可信也至以梁惠王九年徙都大梁爲不可信謂是時地不割秦不偏何遽徙都以避之今据竹書周顯王四年爲梁惠王之六年夏四月甲寅徙都于大梁王發逢忌之藪以賜民漢志陳留浚儀故大梁魏絳自魏徙安邑至惠王自安邑徙大梁臣瓚漢書注曰浚儀有逢陂忌澤此豈盡不可信者耶至誤六年爲九年則但依孫奭孟子疏語而未見竹書故也